

臨證指南醫案

證指南醫案目

卷九

調經

淋帶

崩漏

胎前

產後

癥瘕

熱入血室

臨證指南醫案卷九

濟關李太瞻附

古吳葉桂天士先生著 錫山華南山岫雲全較

娃旦王堂

調經

愁鬱氣
血滯

張九經先期色變膚腠刺痛無定所晨泄不爽利從來不
生育由情懷少歡悅多愁悶鬱則周行之氣血不通而
脉絡間亦致間斷蒙痺例以通劑

川芎

當歸

肉桂

生艾

小茴

後期
壽傷久
嗽肺氣
虛

陰言并月身家

茯苓 生香附 南山查 益母膏丸

姚二 久嗽背寒晨汗右卧咳甚經事日遲脉如數而虛穀

減不欲食此情志鬱傷延成損怯非清寒肺藥所宜

黃芪 桂枝 白芍 炙草

南棗 飴糖

肺爲氣出入之道內有所傷五臟之邪上逆於肺則咳嗽此則久嗽背寒晨汗全是肺氣受傷而經事日遲不但氣血不流行血枯肝閉可想而知脉數虛火也虛則不可以清寒况穀減不欲食中氣之餒已甚可復以苦寒損胃乎與黃芪建中損其肺者益其氣

肝犯胃

而桂枝白芍非斂陰和血之妙品乎

秦二氣衝心痛嘔涎氣墜小腹爲瀉經來後期其色或淡

或紫病在衝脉從厥陰陽明兩治

川連

小茴

川棟子

歸尾

炒牛夏

茯苓

桂枝

橘紅

傷肝

華二

鬱傷肝脾是因懷抱不暢致氣血不和逍遙散減白

朮加山查香附不欲其守中務在宣通氣血耳今經來

日遲鬱痺宜通而氣弱不主統血况春深泄氣之候必

佐益氣之屬方爲合法 歸脾湯

又 向有鬱傷肝脾用逍遙散歸脾湯甚合今因動怒少

腹氣衝過胃上膈咽喉腫痺四肢逆冷遂令昏迷此皆肝木拂逆甚則爲厥夫肝臟相火內寄病來迅速皆動極之徵爲肝用太過宜制其用前此芪朮守補不可用矣安胃理中丸去黃柏細辛

錢 脉濡腕悶減食經水來遲腹痛墜

柴胡 炒白芍 黃芩 鬱金

香附 茯苓 蘇梗 神麴

又 諸恙未減腹但痛不墜 逍遙散去白朮甘草加鬱

金香附神麴

許 十經閉寒熱便澹腹痛 加味逍遙散去山梔

血分經
熱厥病

其 血虛內熱經不至 加味逍遙散去木

某 經遲腹痛風疹絡血不寧久鬱成熱法當通利

涼膈去芒硝加丹皮赤芍

奇脉虛
寒滯

孫九 奇脉下損經遲腹痛先用當歸建中湯續商八脉治
法 歸建中湯

又 久嗽遇勞寒熱 歸芪建中去鹽

謝三 能食不運疲泄經事愆期少腹中乾澀而痛下焦麻
痺衝心嘔逆腹鳴心辣八脉奇經交病

人參

茯苓

艾葉

製香附

淡從蓉

淡骨脂

肉桂

當歸

鹿角霜

小茴香

紫石英

益母膏丸

王三脉右緩左瀉經水色淡後期嘔吐痰水食物畢姻三載餘不孕此久鬱凝痰滯氣移宜宣通從陽明厥陰立方

牛夏

廣皮

茯苓

厚朴

茅朮

淡吳萸

小香附

山查肉

薑汁法丸

又三月中用辛溫宣鬱方痰癰自下胸次寬嘔逆緩今喜暖食惡寒經遲至五十餘日來必色淡且少議用溫養衝任栽培生氣方法八珍去木草地加小茴肉桂蘼艾香附紫石英河車膠丸

肝腎虛寒

朱二經水一月兩至。或幾月不來。五年來並不孕育。下焦

肢體常冷。是衝任脉損。無有貯蓄。煖益腎肝主之。

人參

河車膠

熟地

砂仁

歸身

白芍

川芎

香附

茯神

肉桂

艾炭

小茴

紫石英

益母膏丸

衝脉肝

程三十七年不孕育。其中幻病非一。病人述經期遲至。來

期預先三日。周身筋骨脉絡牽掣痠楚。不得舒展。凡女

入月水。諸絡之血。必彙集血海而下。血海者。即衝脉也。

男子藏精。女子繫胞。不孕經不調。衝脉病也。腹為陰。陰

虛生熱。肢背為陽。陽虛生寒。究竟全是產後不復之虛。

醫言指月錄卷九

損。惑見病治病之悞。有終身不育。淹淹之累。肝血陰虛。木火內寄。古人溫養下焦。必佐涼肝堅陰。勿執經後期。爲氣滯。亂投破氣。劑藥劫陰。

河車膠 生地 枸杞 沙苑 生杜仲

白薇 山查 黃柏 白花益母草

肝腎高底陰虛

朱經云。陽維爲病。苦寒熱。緣上年冰雪甚少。冬失其藏。春牛潮濕。地氣升泄。以肝腎血液久虧之質。春生力淺。八脉隸乎肝腎。一身纖維。八脉乏束固之司。陰弱內熱。陽微外寒矣。脊脊常痛。經事愆期。血海漸涸。久延虛怯。情景已露。局方逍遙散。固女科聖藥。大意重在肝脾二

經。因鬱致損。木土交傷。氣血痺阻。和氣血之中。佐柴胡
微升。以引少陽生氣。上中二焦之鬱勃。可使條暢。今則
入暮病劇。天曉安然。顯是肝腎至陰損傷。八脉不爲約
束。故熱無汗。至陰深遠。古人謂陰病不得有汗也。當宗
仲景甘藥之例。勿取氣辛助陽可矣。

炙甘草

阿膠

細生地

生白芍

麥冬

牡蠣

某 陰虧內熱。經事愆期。

雄烏骨雞

小生地

阿膠

白芍

枸杞

天冬

茯苓

羌蔚子

女貞子

桂圓

病經
經氣
血滯

右十味用青蒿汁童便醇酒熬膏加蜜丸

張四
三寒熱間日經來腹痛

小生地 丹皮 知母 花粉

生鱉甲 澤蘭

某十二先腹痛而後經至氣滯為多晨泄腹鳴亦脾胃之病
與下焦痕泄則異

川芎 當歸 香附 煨廣木香

查肉 茯苓

某二寒熱無汗經先腹痛喉中燥癢咳逆食物不思此鬱
傷氣血八脉主病姑先與澤蘭湯

歸身

澤蘭

丹參

白芍

柏子仁

茯神

周七十室女經水不調先後非一。來期必先腹痛。較之平日為重。飲食大減。始於初夏。入秋下焦常冷。腹鳴忽瀉。忽結。究脉察色。是居室易於鬱怒。肝氣偏橫。胃先受戕。而奇經衝任。嬌維諸脉。皆肝胃屬隸。脉不循序流行。氣血日加阻痺。失治必結。癥聚痞痞之累。

南山查

生香附

延胡

當歸

青皮

三稜

蓬朮

牛膝

川棟子

澤蘭

肉桂

炒小茴

葱白汁丸

顧經來筋掣腹痛。常有心痛乾嘔。此肝氣厥逆。循任皆病。務在宣通氣血。以調經。溫燥忌用。自可得效。

川棟 一錢

丹皮 三錢

炒查 二錢

胡蓮 八分

延胡 一錢

澤蘭 二錢

歸身 二錢

生白芍 一錢

又 柏子仁丸

吳 鬱傷絡脉痛經。

川芎

當歸

香附

小茴

烏藥

茯苓

紅棗

費經水紫黑。來時嘈雜。脉絡收引而痛。經過帶下不斷。形瘦日減。脉來右大左弱。上部火升。下焦冷徹。骨中陰

陽乖違焉得孕育閱醫都以補血清劑宜乎鮮效議通
陽攝陰法

鮑魚

生地

淡從蓉

天冬

當歸

柏子仁

炒山查

牛膝

茯苓

紅棗蘄艾湯法丸

朱 脉數右肩痛痿經不調經來氣攻觸背性躁氣分有
熱

細子苓

白芍

黑山梔

鈎藤

茯苓

當歸鬚

香附

羌蔚子

桑枝

李

酸滴入裏氣血呆鈍痛自心胸脹及少腹昔經行三

血滯

日。今四日猶未已。為凝滯所致。痛脹何疑。讀內經遺意。以辛勝酸主治。但辛氣最易入表。當求其宣絡者宜之。

韭白汁 桃仁 延胡 小茴

當歸鬚 川棟子

經閉
水火鬱
熱

王三入苦辛泄降。胸脘脹悶已舒。此嗽血。皆肝胆氣火上逆。必經來可安。

南山楂 桃仁 黑山梔 丹皮

橘葉 降香末 老韭白汁

朱當節令呵欠煩倦。秋深進食微有惡心。病起至今月。事不來。夫衝任血海皆屬陽明。主司見症胃弱。此陰柔。

胃陰虛

賦滯當停以理胃陽為務

人參

半夏麴

廣皮白

茯苓

生益智仁

煨薑

脾胃陽虛

某脉數形疲咳經閉半年已經食減便溏浮腫無清嗽

通經之理扶持中土望其加穀 四君子湯

脾胃陽虛

某三經閉兩月腕痺嘔惡此氣窒不宜胃陽碍鈍使然當

用和中為主

半夏麴

老蘇梗

茯苓

廣皮

枳殼

川斛

通滯腹

某夏今寒熱經阻少腹痛脹血結洞瀉不爽乃內傷氣

血不和兼有時令濕邪

茯苓皮三錢

大腹皮一錢

生益智一錢

厚朴一錢

蓬莪術五分

青皮子五分

又服五劑後氣已畧平

葱白丸

用生蘆艾三分

紅棗十五枚

煎清湯送

氣滯濕凝腫脹

某

脉數經閉腹脹足腫

茯苓皮

大腹皮

青皮

小香附

延胡

炒山查

羌蔚子

炒砂仁

顧

經停四月腹滿尻髀足肢盡腫食納脹悶不化大便

溏瀉不實。女科認為胎氣恐未必然。方書謂先經斷而

後腫脹者治在血分

生白朮

厚朴

大腹皮

羌蔚子

椒目

小黑稽豆皮

傳

大凡痞滿在氣。燥實在血。腹脹經水仍來。大便微溏。

固是氣分病也。下之。暫愈。氣得泄也。繼而腹脹。經水不來。氣與血俱病也。病非輕渺。議中滿分消方法。

生於朮

猪苓

澤瀉

椒目

雞內金

青皮汁

厚朴

鄒十腰已下腫。經閉四月。腹痛瀉不爽。議開大陽導其氣。阻水濕。

氣血虛
滯兼惡

牡蠣

澤瀉

猪苓

茯苓

生白朮

防己

厚朴

酸棗

何經阻腹滿瀉後變痢 小溫中丸

王三居經三月痞悶膨脹無妊脉發現詢知勞碌致病必

屬脾胃陽傷中氣愈餒衝脉乏血貯注洵有諸矣

大腹皮 薤 牛夏 麴 老蘇 梗 橘紅

炒山查 芫蔚子

又經停腹滿便秘

郁李仁 冬葵子 柏子仁 當歸 續 鮮杜牛膝

氣滯血
滯

王九服阿魏丸高突已平痛未全止經閉已有十餘月腹

微膨全屬氣血凝滯若不經通病何以去。

川芎

當歸

延胡

桃仁

查肉

香附

青皮

牛膝

益母膏丸

石二入用必用木諸厥皆厥陰心痛便燥氣痺血枯乃勞
怒情志不遂起見。

枳仁

當歸鬚

炒延胡

生香附

芫蔚子

南山查

又辛潤氣藥病減血虛氣滯當以調經爲要見病理病
爲非

桃仁

當歸

山查

芫蔚子

澤蘭

柏子仁

其二心下有形不飢經水滯少漸閉由氣滯漸至血結左右隧道不行大便堅秘不爽當與通竅

炒桃仁

炒五靈脂

延胡

蘇梗

生香附

木香汁

半夏

薑汁

姚

經閉一年腹漸大恐延血盛沉痾况聚癥日久形寒跗腫議用大針砂丸每服一錢二分六服

金

面無華色脉右弦左瀉經阻三月衝氣攻左脇而痛腹時脹滿足跗腫是血盛症勢得小視。

桂枝

茯苓

澤瀉

牡蠣

金鈴子

延胡

吳三九經阻兩載。少腹堅硬大便不爽。不時咯出紫血塊。此屬血蠱之象。

鮮生地汁

五錢

熟大黃

一錢半

尋桂心

五分

老生薑渣

炒桃仁

三錢

郁李仁

一錢半

四服

某

經閉腹脹漸成蠱

香附

木香

青皮

烏藥

赤芍

五靈脂

延胡

當歸

鬱金

王

十二脈右虛左虛茲數。腹痛兩月。胸痺咽阻。冷汗。周身刺

痛寒慄。此屬內損。有經閉成勞之事。

桂枝湯加茯苓

又 照前方加當歸肉桂

又 內損情懷少暢。非偏寒偏熱可以攻病。方中溫養氣血。以使條達。非因寒投熱之謂。開懷安養為宜。勿徒恃藥。繼此可進養營法。歸桂枝去薑加茯苓。

濕燥

陰虛風
陽動

潘二經水不來。少腹刺痛。鳴脹。大便不爽。心中熱痛。食辛辣及酒。其病更甚。不敢通經。姑與甘緩。甘麥大棗湯。某陽升風動。眩暈心悸。鼻衄。經停兩月。

生地 阿膠 麥冬 白芍

柏子仁 棗仁 茯苓 炙草

鬱勞陰
虛

顧二病起經阻。形容日瘦。嘈雜飢。心腹常熱。此乃悲惋。

離愁內損而成勞。陰臟受傷。腸脉不流。難治之症。必得
怡悅情懷。經來可挽。但通經敗血。斷不可用。

生地

人參

茯苓

沉香汁

琥珀末

調入

陳 自經阻寒熱。延及浮腫腹膨。小溲日少。入暮心腹中
熱。此臟陰已涸。腑陽日痺。內因悒鬱成勞。情志爲病。當
收肅司令。而病日加增。料難入冬。無成法可遵。勉擬回
生丹。每次服牛丸。冀通其壅痺氣血。漫言治病也。

徐

二經水久不來。寒熱喉痛痺。鬱勞藥難取效。

清阿膠丸。雞子黃湯送。

血痺成勞

董

脉數色奪。久嗽經閉。寒從背起。執過無汗。此非瘧邪。

由于陰陽並損。營衛循行失其常度。經云。陽維爲病苦

寒熱矣。症屬血痺成勞爲難治。痺阻氣分。務宜宣通。

生鹿角

川桂枝木

當歸

茯苓

炙草

薑

棗

另回生丹

服二

仲二先因經阻。繼以五。心煩熱。咳吐涎沫。食減微嘔。面腫

色瘁。乃肝陽化風。旋動不息。乾血勞病。醫治無益。

阿膠

生地

麥冬

牡蠣

小麥

營虛乾
血勞

王面色晄白。脉來細促。久嗽不已。減食腹痛便澹。經閉

牛載。此三焦臟真皆損。乾血勞怯之病。極難調治。俗醫

見嗽見熱。多投清肺寒涼。生氣斷盡。何以挽回。

歸建中湯去薑

尼七少年形色衰奪。側眠咳血。天柱骨垂。經水已閉。皆不

治見症。歸建中湯去薑

某。脉弱無力。發熱汗出。久咳形冷。減食過牛。顯然內損。成勞大忌寒涼。清熱治嗽。姑與建中法。冀得加穀經行。猶可調攝。

桂枝 五分

生白芍

一錢

炙草

五分

棗肉 三錢

飴糖 二錢

歸身

一錢

程九乾血勞病。百脉枯槁。漸至危篤。三月間診脉一次。當

面告辭。余非憤憤醫流。不肯因循誤事。

益母丸早晚服二三錢

某 營虛寒熱咳血經閉

當歸 炒白芍 丹參 棗仁 遠志

茯苓 炙草 廣皮 桂圓肉

顧三 潮熱經阻脉來弦數營血被寒熱交蒸斷其流行之

機即爲乾血勞瘵非小恙也

桂枝 三分 白芍 一錢 阿膠 一錢 生地 三錢

炙草 四分 麥冬 一錢 大麻仁 一錢

朱女 冲年天癸未至春陽升動寒熱衄血平昔溺後腰痛

耳目甚聰明先天質薄陰本難充易虧最多倒經之虞

雄烏骨雞 生地 生白芍 茯神 天冬

知母 牛膝 芫蔚子 女貞子 阿膠

諸藥除阿膠用水煎汁二次其烏雞去毛及翅足另
以童便一碗青蒿汁四碗醇酒二碗米醋一碗同煮
再加入前藥汁收膏入阿膠收燉煖服五錢

張十七歲天癸不至咳嗽失血乃倒經重症先以順氣
導血

降香末 鬱金 鈎藤 丹皮

蘇子 炒山查 黑山梔

又震動氣衝咳嗽失血

雞子黃

阿膠

鮮生地

天冬

生白芍

炒牛膝

又 脉細數腹痛。管熱。經不通

人參

天冬

鮮生地

白芍

丹參

調入琥珀末三分

易曰。乾道成男。坤道成女。女子屬陰。以血爲主。故女科治法。首重調經。經常也。如潮汐之有信。如月之盈虧。不愆其期。故曰經水。又曰月事。又曰月信。內經云。太衝脉盛。月事以時下。景岳云。衝爲五臟六腑之海。臟腑之血。皆歸衝脉。可見衝脉爲月經之本也。然血

氣之化由於水穀。水穀盛則血氣亦盛。水穀衰則血氣亦衰。是水穀之海又在陽明。可見衝脉之血又總由陽明水穀所化。而陽明胃氣又爲衝脉之本也。故月經之本所重在衝脉。所重在胃氣。所重在心脾生化之源耳。心主血。脾統血。肝藏血。凡傷心傷脾傷肝者。均能爲經脉之病。內經曰。二陽之病發心脾。有不得隱曲。女子不月。其傳爲風消。其傳爲息賁者。死不治。不得隱曲。言情欲不遂。而病發心脾也。風消者。發熱消瘦。胃主肌肉也。息賁者。喘息上奔。胃氣上逆也。此雖言病發心脾。而實重在胃氣。因心爲胃之母。胃

爲脾之腑也。內經又曰：有病胸脇支滿者，妨於食，病至則先聞腥臊臭，出清液，先唾血，四支清，目眩，時時前後血，病名血枯。此得之年少時，有所大脫血，若醉入房，中氣竭，肝傷，故月事衰少不來也。治之以四烏鯁骨、一蘆茹二物并合之。九以雀卵大如小豆，以五九爲後飯，飲以鰔魚汁，利腸中，及傷肝也。此段經文全重在氣竭肝傷四字，爲通節之綱旨。胸脇肝部也，支滿肝病也，妨於食木邪凌土也，病則先聞腥臊臭，脾喜芳香，今脾土爲木邪凌虐，病則先聞腥臊，乃肝之旺氣也，出清液脾虛不能敷化水精也，先唾血脾

傷不能統運營血也。四肢清陽衰不能傍達四末也。目眩陽不充而水上溢於經也。前後血陰受傷而血內溢於絡也。血枯內有乾血。血不歸經而結胞門也。良由年少不禁氣竭肝傷而致。月事衰少或不來也。治以烏鰂骨四分。取其味鹹走腎。性溫達肝。配以鹿茹一分。取其辛散內風。溫去惡血。二物并合。功專破宿生新。九以雀卵取其溫補助陽。能調子臟精血。以五丸爲後飯者。先藥後飯。使藥徐行下焦。力貴專功。五丸不爲少也。飲以鮑魚汁。利腸垢。和肝傷。取其臭穢之味。佐烏鰂骨而辟宿積之血也。金匱要畧言調

經之法甚詳。後世如王節齋、薛立齋諸賢論症透徹。用方精切。俱可爲程式。茲不具贅。今觀葉先生案。奇經八脉。固屬扼要。其次最重調肝。因女子以肝爲先天。陰性凝結。易於拂鬱。鬱則氣滯。血亦滯。木病必妨土。故次重脾胃。餘則血虛者養之。血熱者涼之。血瘀者通之。氣滯者疎之。氣弱者補之。其不治之症。直言以告之。誠一代之良工。女科之明鑑。學者當奉爲典型。更能參考內經仲景及諸賢案論。自然學業日進。登峯造極矣。

秦天一

淋帶

溫邪傷
陰

某 溫邪劫陰。帶下火升。胸痞脉小數。

生地

阿膠

牡蠣

川斛

小麥

茯神

陽虛

某 陽明脉虛。手麻足冷。身動帶下。如注。用通攝方。

人參

桂枝木

桑螵蛸

生杜仲

歸身

茯苓

又 胸中似冷。熱飲乃爽。照前方去杜仲。加白芍。炮薑。

風陽乘
土

陳七 色蒼脉數。是陰不足。心中泛泛。即頭暈腹痛。經水仍。

淋帶

七

來兼有帶下。肝陽內擾。風木乘土。法當酸以和陽。鹹苦堅陰。

生白芍

細生地

清阿膠

牡蠣

槲根皮

黃柏

又烏骨雞

生地

阿膠

牡蠣

天冬

白芍

白薇

杜仲

川斷

湖蓮

血虛脈絡滯痛

蔣帶下不止。少腹內踝連痛。至不能伸縮。絡脈不宣。最

有結瘕綿纏。不可不慮。醫云肝氣豈有是理。

桂枝

生沙苑

遠志

當歸

鹿角霜

杞子

茯苓

按風

翼

帶淋日久。脂液垂涸。奇脉俱傷。營衛亦偏。內風自動。則中焦氣毒。浮腫腹膨。爲寒爲熱矣。暫以鹹緩和陰。

阿膠

牡蠣

菴容

柏子霜

郁李仁

陰虛

袁

舌光赤頭脹身熱。帶下如注。此五液走泄。陽浮熱蒸。當用攝劑。若與鹿角霜沙苑。仍是升舉動陽。則無效矣。

熟地炭

阿膠

芡實

茯神

湖蓮肉

炒山藥

又

照前方去阿膠。山藥加桑螵蛸。萸肉炭。

吳

崩帶淋漓。陰從下走。暈厥汗出。陽從上冒。逢穀雨暴。凶。身中陰陽不相接續。怕延虛脫。戌亥時爲劇。肝腎病。

治

人參

阿膠

生龍骨

生牡蠣

五味

茯苓

又血液去則臟陰失守。神不內附。致目中妄見。非鬼祟

也。當先鎮陽神為主。若驟用陰藥。則有妨胃納矣。

人參

龍骨

五味

茯苓

芡實

建蓮肉

又淋帶黃白未淨。五更心悸汗出。

人參

炒枸杞

五味

茯苓

芡實

湖蓮肉

其二 五脉左細前用通補。據述痛起得按痛緩。八脉空虛。昭然。捨此補養。恐反增劇矣。

當歸

烏賊骨

紫石英

杜仲

杞子

柏子仁

沙苑

茯神

某女科病。多倍於男子。而胎產調經爲主要。淋帶癢泄。奇脉虚空。腰背脊脊牽掣似墜。而熱氣反升於上。從左而起。女人以肝爲先天也。醫人不曉八脉之理。但指其虛。剛如桂附。柔如地味。皆非奇經治法。先以震靈丹固之。每服一錢五分。

又淋帶癢泄。諸液耗。必陰傷。此參附薑桂劫陰不效。而

膠地陰柔亦不能效。蓋脉隧氣散不攝。陰藥沉降。徒擾其滑耳。必引之收之。固之。震靈丹意通則達下。瀉則固下。惟其不受偏寒偏熱。是法效靈矣。後方常用。

人參 一錢

鹿角霜 一錢

沙苑 一錢

桑螵蛸 三錢

炒杞子 一錢

茯神 三錢

炙草 五分

方九

人參

二兩隔紙烘研

麋茸

二兩切烘研

生兔絲子

二兩研

淡補骨脂

一兩牛炒

生紫石英

一兩二錢

生餘糧石

一兩二錢

茯苓

一兩牛炒

炒黑小茴

五錢

炒黑還志

五錢

晚服妙香三錢

姚二

自乳血耗。脉絡空豁。脊脊椎骨痠痛。帶下不已。問下

部已冷。陰虛及陽。速速斷乳。不致延勞。

人參

鹿角霜

枸杞

桑螵蛸殼

杜仲

茯苓

沙苑

白薇

徐^四經漏成帶。下焦畏冷。眩暈。肝臟陽升。八脉空乏。

當歸

炒白芍

炒黑枸杞

杜仲

海螵蛸

炒沙苑

楊^三七。寡居獨陰。自多愁煩思鬱。加以針術。目注凝神。陽上

巔爲眩暈。八脉無氣。自帶下下冷。內風日動。癢疹麻木。

常爲隱現。以緩下柔劑。和其陰陽。可得小效。

製首烏

三角胡麻

枸杞

甘菊花炭

用紅棗搗丸早上服四錢

王二產後漏淋成帶入暮溺頻不爽驚恐神呆骨節盡痛是肝腎內損漸及奇經不司束固是產後虛在下甘辛潤補肝腎不與燥藥以腎惡燥肝忌剛也

枸杞子

炒黑

鹿角霜

歸身

菟絲子

炒香

生杜仲

沙苑子

茯苓

補骨脂

鹽水煎淡

某

少腹拘急大便燥艱淋帶赤白此屬液涸

肉蓯蓉

枸杞子

河車

當歸

柏子仁

郁李仁

又

淋帶年久少腹拘急脹痛漉不爽大便艱澀得泄氣

則服寬食物少納。腕中不降。必撫摩始下。此病久。強陰。脈陽皆傷。熱藥難受。以通陽固陰兼之。

早服

人參

附身

炒杞子

茯苓

麋茸

河車

暮服震靈丹二十粒

帶下者。由濕痰流注於帶脉。而下濁液。故曰帶下。婦女多有之。赤者屬熱。兼虛兼火治之。白者屬濕。兼虛兼痰治之。年久不止。補脾腎兼升提。大抵瘦人多火。肥人多痰。最要分辨白帶白濁白淫三種。三者相似。而迥然各別。白帶者。時常流出清冷稠粘。此下元虛損也。白濁者。濁隨小便而來。渾濁如泔。此胃中濁氣。

滲入膀胱也。白淫者。常在小便之後。而來亦不多。此男精不攝。滑而自出也。至於淋症。由腎虛膀胱積熱所致。腎虛則小便數。膀胱熱則小便滴。淋有氣血砂膏勞五者之殊。皆屬濕熱。氣淋爲病。小便滴滯。常有餘瀝不盡。血淋爲病。遇熱卽發。甚則溺血。痛者爲血淋。不痛者爲尿血。砂淋爲病。陰莖中有砂石而痛。溺不得卒出。砂出痛止是也。膏淋爲病。溺濁如膏。敗精結者爲砂。精結散者爲膏。又遺濁爲鹽之義。勞淋遇勞卽發。痛引氣衝。大約帶病。惟女子有之。淋濁男女俱有。景岳云。婦人淋帶。其因有六。一。心旌搖。心火不

靜而帶下者。先當清火。宜硃砂安神丸。清心蓮子飲之類。若無邪火。但心虛帶下。宜秘元煎。人參丸。茯兎丸之類。一慾事過度。滑泄不固而帶下者。宜秘元煎。苓朮兎絲丸。濟生固精丸之類。一人事不暢。精道逆而爲濁爲帶者。初宜威喜丸。久宜固陰煎之類。一濕熱下流而爲濁帶。脉必滑數。煩渴多熱。宜保陰煎。加味逍遙散。若熱甚兼淋而赤者。宜龍胆瀉肝湯。一元氣虛而帶下者。宜壽脾煎。七福飲。十全大補湯。若陽氣虛寒。脉微瀋。腹痛多寒。宜加姜附家韭子丸。一脾腎氣虛下陷多帶者。宜歸脾湯。補中益氣湯之類。已

上淋帶辨症論治。彷彿已備。語云。鴛鴦綉出從君看。
莫把金針度與人。若求金針暗度。全憑藥案搜尋。
素
天

崩漏

婦科

徐三

肝脾鬱損血崩

人參逍遙散去柴木炙草加桑螵

蛸杜仲

婦科

某

經漏不止久風餐洩

人參

茯苓

木瓜

炒烏梅

赤石脂

餘糧石

婦科

龔

脉數寒熱汗出腹脇痛病起經漏崩淋之後是陰傷

陽乘消渴喜涼飲不可純以外邪論和營衛調中甘緩

主治

當歸

白芍

淮小麥

炙草

南棗

茯神

奇脉虛
血帶

文五

產育頻多。衝任脉虛。天癸當止之年。有紫黑血如脉

肝暴下之後。黃水綿綿不斷。三年來所服歸脾益氣。但
調脾胃補虛。未嘗齒及奇經為病。論女科衝脉即是血
海。今紫黑成塊。幾月一下。必積貯之血。久而瘀濁。有不
得不下之理。此屬奇經絡病。與臟腑無與。考古云久崩
久帶。宜清宜通。倣此為法。

柏子仁

細生地

青蒿根

淡黃芩

澤蘭

樗根皮

接服斑龍丸

新刊

張五

五旬天癸當止而經淋周身牽掣右肢漸不能舉不但衝任督帶損傷陽明胃脉衰微少氣乃最難向安之病。

人參

生黃芪

炙草

炒沙苑

炒杞子

炒歸身

朱崩漏兩年先有帶下始而牛月發病今夏季每交申酉其漏必至思下午爲陽中之陰陰虛陽動衝脉任脉皆動下無隄防約束夫奇經肝腎主司爲多而衝脉隸於陽明陽明久虛脉不固攝有開無閣矣醫但以瀉劑圖旦夕苟安未及按經論病宜毫無一效。

海螵蛸

鮑魚

茜草

生菟絲子

石穀廣蓮肉

接服烏賊魚骨丸

痛虛筋

顛

髓虛筋淋不止筋掣痛不能行

菰蓉

枸杞

柏子仁

茯神

川斛

紫石英

羊內腎

青鹽

虛衝任陽

成

衝任二脉損傷經漏經年不痊形瘦膚乾畏冷由陰

氣走乎陽位益氣以培生陽溫攝以固下真

人參

鹿角霜

歸身

蘼艾炭

茯神

地黃

紫石英

桂心

虛衝任

張四

經漏十二年五液皆涸衝任不用冬令稍安夏季病

加心搖動。腹中熱。腰膝跗骨皆熱。此皆枯槁。日著。方書謂暴崩宜溫。久崩宜清。以血去陰耗耳。

人參 生地 阿膠 天冬 人乳粉

柏子仁 茯神 棗仁 白芍 知母 養血丸

張 固補衝任涼肝寧血丸方

人參 二兩 生地 二兩 阿膠 二兩 白芍 二兩 茯苓 二兩

鮮河車膠 一兩 石殼建蓮肉 四兩 二膠如少可加蒸

熟山藥搗漿爲丸。早服四錢。參湯送。晚服二錢。

沈 天癸當止之年。經來淋漓不斷。乃陰衰陽動。入秋深夜寐甚少。汗泄四肢胸臆。夫衝脉隸於陽明。其氣行乎

苦寒辛
散中

身。前陽明脉空。陽越衛疎。陰火升舉。當宗丹溪補陰丸。
或虎潛丸之屬。久病投湯太過。恐妨胃耳。

每早服丹溪補陰丸四錢

十服

黃 長齋有年。脾胃久虛。瘡由四末。必犯中宮。血海隸於
陽明。苦味辛散。皆傷胃系。雖天癸久絕。病邪藥味。擾動
血絡。是爲暴崩欲脫。閱醫童便阿膠味。醎潤滑。大便澹
瀉。豈宜潤下。卽熟地五味補飲。陰液咽湯停腕。頃欲吐
淨。滋膩酸濁之藥。下焦未得其益。腕中先已受戕。議以
仲景理中湯。血脫有益氣之法。坤土陽和。旋轉喜其中
流砥柱。倘得知味納穀。是爲轉機。重症之尤。勿得忽視。

理中湯

奇脈

某 停經三月。下漏成塊。少腹膨痛。議通和奇脈。

鹿角霜

生杜仲

桂枝木

生沙苑

當歸

茯苓

紅棗

肝腎虧
壬金寒

羅二 病屬下焦肝腎內損。延及衝任奇脈。遂至經漏淋漓。

腰脊痿弱。脈絡交空。有終身不得孕育之事。

製熟地

砂仁製

河車膠

當歸

白芍

人參

茯苓

於朮

炙草

斷艾炭

香附

小茴

紫石英

夜傷絡
熱風消

陳五 十五旬年歲。經漏如崩。繼以白帶綿綿。昔形充。今瘦損。

當年飲酒濕勝大便久澹。自病經年。便乾不爽。夜熱多汗。四肢皆冷。氣短腹鳴。上噎氣。下泄氣。腰足跗酸。更無力。食物日減。不知其味。此陽明脉衰。厥陰風木由乎血去液傷。衝任交損。內風旋轉而爲風消之象。病在乎絡。故令久延。金匱謂絡熱則痿矣。

人參

黃芪

苦參

茯神

牡蠣

小麥

瀉清人參湯收

陰虛陽亢

張外冷內熱。食過如飢。唇燥裂渴飲。下漏漏多則陰虛。陽亢便澹不實。不可寒潤。

生地炭

阿膠

炒白芍

湖蓮

楞根皮

茯神

斷艾炭

又消渴心悸。

阿膠

生雞子黃

生地

天冬

生白芍

茯神

胡心痛如飢。口吐膩涎濁沫。值經來甚多。因驚動肝。陽

化內風。欲厥之象。治以鹹苦。佐以微辛。使入陰和陽。

阿膠 二錢

牡蠣 三錢

川棟子 錢一

小川連 分三

川芎 二分

當歸 一錢

又和陽固陰。諸病大減。因經漏陰傷。陽易浮越。心怔悸。

肢末痛。內風未熄。藥以甘柔。使胃汁日充。則砥柱中流。

矣。

人參

阿膠

麥冬

生白芍

炙草

茯神

邱四經漏成帶。年餘醫藥無功。乃衝任督帶交病。古稱久帶久崩宜清。視其體豐。鬆與陽氣久虧。與內經血脫方
法。烏鰂魚丸。鮑魚汁丸。

又照前方加阿膠人中白

奇陰
虛風陽

某經漏三年。診色脉俱奪。面浮跗腫。肌乏華色。納穀日減。便堅不爽。自脊腰酸。凌楚如墮。入夏以來。形神日羸。思經水必諸路之血。貯於血海而下。其不致崩決淋。

滴者任脉爲之擔任。帶脉爲之約束。剛維屬脉之擁護。督脉以總督其統攝。今者但以衝脉之動而血下。諸脉皆失其司。症固是虛。日餌補陽不應。未達奇經之理耳。考內經於胸脇支滿妨食時時前後血。特製烏鰂丸。鹹味就下。通以濟瀉。更以穢濁氣味爲之導引。同氣相需。後賢謂暴崩暴漏宜溫宜補。久漏久崩宜清宜通。正與聖經相符。況乎芪朮皆守。不能入奇脉。無病用之。誠是好藥。藉以調病焉。克有濟。夏之月。大氣正在泄越。脾胃主令。歲氣天和。保之最要。議以早進通陰。以理奇經。午餘天熱氣泄。必加煩倦。隨用清暑益氣之劑。順天之氣。

以扶生生安穩百日。秋半收肅令行。可望其藏聚氣交。而奇絡漸固。此久損難復。非倖試速功矣。早上湯藥。議以通陰潛陽方法早服。

龜甲心

秋石水浸

鹿角霜

真阿膠

柏子霜

生牡蠣

鎖陽

另煎清人參湯入清藥煎

取五十沸

鹿性陽入督脉。龜體陰走任脉。阿膠得濟水沉伏。味鹹色黑。熄肝風養腎水。柏子芳香滑潤養血理燥。牡蠣去濕消腫。鹹固下仲。景云。病人腰以下腫者。牡蠣澤瀉湯。鎖陽固下焦之陽氣。乃治八脈之大意。

烏鰂丸方

烏鰂骨四分

米醋炙去甲
另研水飛

鹿筋一分

右爲細末用雀卵量搗爲丸每服三錢用藥前先飲
淡鮑魚湯一小杯爲導引

又進潛陽頗投。但左耳鳴甚。腸中亦鳴。肝陽內風升動。
未息減氣剛用柔。早服

龜甲心

照前製

真阿膠

柏子霜

天冬

女貞實

旱蓮草

另煎人參湯二錢加入瀉

清藥內再煎五十餘沸

又兩進柔潤清補頗投。詢知病由乎悲哀煩勞。調理向

愈。繼因目病。服苦辛寒散太過。遂經漏淋帶。年前七八
日始淨。今則兩旬而止。此奇脉內之前議非誣。據述周
身累現癰疹。瘡癩不寧。想脂液久滲。陰不內營。陽
氣浮越。衛怯少固。客氣外乘。凡六淫客邪。無有不從熱
化。內經以瘡瘍諸病。皆屬於火。然內症爲急。正不必以
肌腠見病爲治。刻下兩三日間。又值經至之期。議進固
脉寶下。佐以東垣瀉陰火意。經至之先用此方。

龜甲心 眞阿膠 人參 桑螵蛸 生白龍骨

旱蓮草 茯神 知母 阜上服

又當經行。周身寒凜。腰痠腹膨。白疹大發。議用固氣和

血方

人參

熟地

阿膠

川芎

當歸

白芍

南山查

斷艾

早上服

又

經來腹墜腰疼。疹現肌癢。鼻孔耳竅皆然。想陰血下

注。必陽氣鼓動。內風沸起。風非外來。乃陽之化氣耳。昨

因經至。用膠艾四物湯。和補固經。今午診脉。右大而滑。

左小數。中有堅疾如刃之象。洵乎液枯風動。初定烏雞

魚丸當進。其早上湯藥。凡氣味之辛裁去。雖爲補劑。勿

取動陽耗液也。早上服

人參

生地

天冬

阿膠

生白芍

女貞子 旱蓮膏 地榆 早上服

又兩日早進清補柔劑。夕用通固下焦衝任。是月經來甚少。起居頗安。與先哲云。暴崩當溫澀。久漏宜宣通。若合符節矣。連次候脈。必小弱爲少安。則知陽動不息。內風必旋。芪朮呆守。歸艾辛溫。守則氣壅。辛則陽動。皆不知變化之旨。坐失機宜耳。余未能久候。焉有經年經月之恙。驟期速愈。故丸藥創自內經七方之一。世多渺忽。實出軒岐秘奧。再議理陰熄風早用。諒不致誤。

擬長夏調理二法

晚服烏鰂丸三錢。晨進養肝陰和陽熄風以安胃蓋

衝脉卽血海。熱於陽明胃脉。乃倣經旨立方。

人參 阿膠 白芍 生地 旱蓮膏

女貞子 桑寄生 鹹秋石 細子芩 三角胡麻

藥末膠膏再加熟蜜三兩搗千餘杵丸宜細光早上服四錢小暑至處暑生脉散送

又此番經後帶下仍有久漏奇脉少固。前案申說已著。丸劑端司通攝衝任。恪守定然必效。但外來寒暄易禦。內因勞損難調。余諄諄相告者爲此。

人參 生地 阿膠 白芍 茯神

女貞子 旱蓮膏 小黑稽豆皮 早上服 初十日

又昨晚煩亢陽動氣升頭額震痛經再下注更定鎮攝一法久後亦可備用。

人參

生地

阿膠

龜甲心

生牡蠣

天冬

黑殼建蓮

又十二日午診脉仍用初十日早服方法去穠豆皮加生牡蠣

交小暑後驟熱午後另煎生脉散微溫服一次

盧停經半載雨水節後忽然暴崩交春分節血止黃白淋漓自下寒則周身拘束熱時煩燥口乾瞞至天明汗出乃止寐必身麻如虫行四肢骨節皆痛蓋血既大去

衝任之脉傷損而爲寒爲熱。陰損及乎陽位矣。書云崩中。日久爲白帶。漏下多時。骨髓枯。由脂液蕩盡。致形骸枯槁。延爲療疾矣。天熱氣熾。所當謹慎。

烏賊骨

阿膠

生地

生白芍

茜草

小麥

程

暴冷陽微後崩

附子理中湯

崩如山冢。舉崩言其血之橫決莫制也。漏如漏卮。難塞。言其血之漫無關防也。經云陰在內。陽之守也。氣得之以和。神得之以安。毛髮得之以潤。經脉得之以行。身形之中。不可斯須離也。去血過多。則諸病叢生。

矣。原其致病之由。有因衝任不能攝血者。有因肝不藏血者。有因脾不統血者。有因熱在下焦。迫血妄行者。有因元氣大虛。不能收斂其血者。又有瘀血內阻。新血不能歸經而下者。醫者依此類推。倣葉氏用筆靈活。於崩漏治法。無餘蘊矣。素天山

胎前

秦^七經停三月。無寒熱。診脉大。係惡阻減食。

細子芩

知母

蘇梗

砂仁

橘紅

當歸

生白芍

方丸

細子芩

三兩

蘇梗

一兩生研

砂仁

五錢

白芍

一兩半

熟白朮

二兩

當歸

一兩半

青寧湯法丸

某懷妊將三月。肝氣攻衝。脇痞嘔吐紅痰。

細條芩

生白芍

川棟子

瓜蒌皮

半夏麴

橘紅

竹茹

生薑

肝虛滑胎

程二殞胎每三月是肝虛

人參

阿膠

當歸

白芍

川芎

桑寄生

熱傷肺食

錢三九上年夏產過月經轉今經停四箇月左脉弦滑流動

乃爲妊象此氣急脫痛咳嗽熱氣上乘迫肺之徵形肉日瘦熱能燥陰耗氣議清金平氣勿碍於下

桑葉

川貝

桔梗

廣皮

黑山梔

地骨皮

茯苓

甘草

楊血液僅僅養胎春陽升舉上焦易燥喉暗心膈皆液

虧陽元

胃虛咳逆

鮮生地 茯神 白扁豆 玄參心 川斛

謝

始而熱入陰傷。少腹痛。溺不爽。秋暑再傷。霍亂繼起。今不飢不食。全是胃病。况懷妊五月。胎氣正吸脾胃真氣。津液重傷。致令咳逆。

人參 知母 炒麥冬 木瓜

蓮子肉 茯神

金

懷妊五月得熱病。久傷陰液。身中陽氣有升無降。耳

竅失聰。便難艱澀。議用仲景復脈法。以生津液。

炙甘草 人參 生地炭 阿膠

天冬 麥冬 生白芍 麻仁

某懷妊百日丙丁養胎胎熱從戌亥時升耳前赤痛刺痛當養陰制火

細生地 茯神 生白芍 建蓮

桑葉 鈎藤

脾風犯脾胃

某脉右虛左弦身麻肢冷胎冲脹悶五六月當脾胃司胎厥陰內風暗動不飢吞酸全屬中虛

人參 枳殼 半夏 薑汁 桔梗

閃動絡脉

胡懷妊六月陽明司胎閃動絡脉環跳痛連腰脊最防胎氣

歸身 桂枝木 炒杞子 炙草

熱
氣
滯
血

羊脛骨 白茯苓

某氣逆壅熱於上。齟腫喉痺。胸悶腹腫。七月太陰司胎。

法宜宣化清上

川貝 牛蒡子 連翹 蘇梗

杏仁 花粉 菊花 橘紅

汪娠八月。胎動不安。腕悶不飢。宜涼血調氣。可以安適。

黃芩 知母 橘紅 生白芍

當歸 砂仁

肝風

程娠八月。形寒氣逆。神煩倦。無寐。乃肝陽乘中之徵。擬

進熄風和陽法。

黃芩

當歸

生白芍

生牡蠣

橘紅

茯神

又

肝風眩暈麻痺少寐

熟首烏

炒黑杞子 白芍

女貞子

茯神

黑稱豆皮

陰熱傷肺

王

先寒後熱。咳哈。是春月風溫肺病。風爲陽邪。溫漸變

熱。客氣着人。卽曰時氣。懷妊九月足少陰腎麻養胎。上

受熱氣。肺痺喘急。消渴胸滿。使溺不爽。背肺與大腸爲

表裏之現症。狀若繪矣。芩歸辛溫。參朮守補。肉桂沉香

辛熱。皆胎前忌用。致大熱煩悶。勢屬危殆。議以清肺之

急潤肺之燥。俾胎得涼則安。去病身安。自爲不補之補。古人先治其實。實者邪也。

泡淡黃芩

知母

鮮生地

花粉

阿膠

天冬

又喘熱減半。四肢微冷。腹中不和。胎氣有上冲之處。昨進清潤之方。漿漿有汗。可見辛燥耗血。便是助熱。今煩渴既止。問初病由悲哀驚恐之傷。養肝陰。滋腎液爲治。穩保胎元。病體可調。

復脉去桂麻薑棗加天冬知母子芩

朱脉右瀉小數。左弦促。納食脘脹。常有甘酸澀味。微嘔。

野熱

吐清涎。旬朝始一更衣。仍不通爽。詢知病起清懷抑鬱。由氣鬱化熱。如內經五志過極。皆從火化。就懷妊惡阻。按徐之才逐月安養。亦在足少陽經。正取清熱養胎。况肝胆相火內寄。非涼劑無以和平。古人治病。以偏救偏。幸勿畏虛以貽患。

金石斛

黑山梔

茯苓

半夏麩

橘紅

竹茹

枳實

時邪發熱

某惡阻。本欲惡心厭食。今夾時邪。頭痛身熱。當先清熱。

竹葉

連翹

生甘草

黃芩

花粉

蘇梗

吐瀉

某交節上吐下瀉。沉胎動不安。脉虛唇白。急用理中法。

附子 人參 於朮 茯苓 白芍

世

周病中懷妊泄瀉。

焦朮 炒白芍 炒黃芩 炒廣皮

舉邪

金懷妊若患時症。古人重在保胎。今者喜煖惡寒。升則

厥痛。墜微便痛。遶腹。暖胎須避絡傷。以及奇脉。畏慮胎
墜難挽。辛香溫柔之補。冀其止厥。

鹿角霜 淡苳蓉 炒杞子 柏子仁

當歸 炒沙苑 炒大茴 茯苓

火

某固護胎元。諸症俱減。惟心嘈覺甚。陰火上升。營虛之

徵

人參 桑寄生 熟地 阿膠 蘇綿灰

條芩 白芍 當歸 茯苓 香附

病陽

某 懷妊。痢滯半月。胃陰既虧。陽氣上逆。咽中阻。飲水欲
噦。舌尖紅赤。津液已耗。燥補燥劫。恐陰愈傷。而胎元不
保。議益胃和陽生津治之。

熟地 烏梅 白芍 山藥

建蓮 茯苓 用川石斛煎湯代水

熱邪傷

潘 血液護胎。尚且不固。心中如飢空洞。食不能納。况又
戰慄嘔逆。凡內外搖動。都是動胎。從來有胎而病外感。

麻桂硝黃等劑必加四物是治病保胎第一要法

小生地

白芍

阿膠

知母

黃芩

青蒿梗

熱邪下痢膿血

王臨月下痢膿血色紫形濃熱伏陰分議用白頭翁湯

又苦味見效知溫熱動血以小其製為劑可全功矣

黃芩

黃柏

炒銀花

炒山查

茯苓

澤瀉

胎漏

某胎漏鼻衄發疹而喘

淡黃芩

真阿膠

青葙

觸胎下血

某觸胎下血腹痛而墜

人參 炒白芍 炙草 廣皮 熟地炭

炒砂仁末 加紋銀一二兩青寧一二兩

又 照前方去熟地加炮薑熟木

又 人參 熟地 炒歸身 炒白芍

炙草 茯神 廣皮 炒砂仁

陸十八形瘦脉數尺動不食惡心證象惡阻腰痛見紅爲胎漏欲墜

青寧二錢建蓮五錢紋銀一兩砂仁七分白糯米一錢

某 三月胎漏用固下益氣

人參 熟木 熟地 阿膠

下
頑胎

白芍

炙草

砂仁

艾炭

華 血下殞胎未下。濁氣擾動。暈厥嘔逆。腹滿。小腹硬。二

便窒塞不通。此皆有形有質之阻。若不急為攻治。濁瘀
上胃。必致敗壞。倣子和玉燭散意。

川芎

當歸

芒硝

羌蔚子

大腹皮

青皮

黑豆皮

調回生丹

子腫

程 懷妊八月。子腫。腹漸墜。正氣虛弱。補劑必須理氣。預
為臨產之算。

人參

茯苓

廣皮

大腹皮

蘇梗

砂仁末

易曰大哉乾元萬物資始。此言氣之始也。又曰至哉坤元萬物資生。此言形之始也。人得父母之氣以生氣生形。卽稟此乾坤之氣也。兩儀既兆五行斯彰。故天一生水。水屬腎。腎臟先生。地二生火。火屬心。心又次生。天三生木。木屬肝。肝又次生。地四生金。金屬肺。肺又次生。天五生土。土屬脾。脾又次生。天既以五行生五臟。而仁義禮智信之五德亦卽寓於其中。朱夫子所云天以陰陽五行化生萬物。氣以成形而理亦賦焉。此之謂也。因此古人重胎教所以端其本也。而今不復講矣。然六淫之感七情之傷。雖婦人氣有強

弱小兒胎元有帶躁故安胎之法不可不。如惡阻
胎淋胎暈胎腫胎懸及漏胎等症古人言之甚晰茲
不具贅今閱葉先生案胎前大約以涼血順氣爲主
而肝脾胃三經尤爲所重因肝藏血血以護胎肝血
失榮胎無以養矣肝主升肝氣橫逆胎亦上衝矣胎
氣繫於脾如寄生之托於苞桑焉與女蘿之施於松
栢脾氣過虛胎無所附墮滑難免矣至於胃爲水穀
之海妊婦全賴水穀之精華以養身護胎故胃氣如
兵家之餉道不容一刻稍緩也其餘有邪則去邪有
火則治火陰虛則清滋陽虛則溫補隨機應變無所

執着學者更能引而伸之觸類而通之安胎之法可

一以貫之無餘蘊矣秦天

產後

欽

初產汗出眩暈胸痞腹痛宜通惡露

炒山查

延胡

鬱金

赤芍

炒牛膝

香附

童便沖

益母草湯代水

又

腹痛少緩但胸痞痰多治從上焦

炒山查

鬱金

丹參

橘紅

炒川貝

甜花粉

程

衝脉爲病男子內結疝病女子帶下瘕聚故奇脉之

結實者古人必用苦辛和芳香以通脉絡其虛者必辛

經產兼

新產惡露

甘溫補佐以流行脉絡移在氣血調和病必全愈今產後體虛兼瘀而痛法當益體攻病日期已多緩治爲宜

生地

生薑

丹皮

琥珀末

調入

此苦辛偶方加丹皮以通外琥珀以通內所以取效
又回生丹 取乎醋煮大黃一味約以病所不礙無
病之所故亦效二法皆入絡藥

又

小生地

歸鬚

紅花

郁李仁

柏子仁

茯神

又照前方去紅花郁李仁加澤蘭

某二惡露淋漓痛由腰起攻及少腹此督帶空虛奇經氣
阻奚疑奇經爲病通因一法爲古聖賢之定例

當歸

查肉灰

炒丹皮

澤蘭

川斷

製首烏

唐產後驟脫參附急救是挽陽固氣方法但損在陰分其頭痛汗出煩渴乃陽氣上冒凡開泄則傷陽辛熱則傷陰俱非新產鬱冒之治道嘗讀仲景書明本草意爲是擬方於後亦非杜撰也

生左牡蠣

錢一細生地二錢

上阿膠

錢一

炒黑查肉

錢三

茺蔚子

牛一錢

吳

新產陰氣下泄陽氣上冒日晡至戌亥陽明胃衰厥

陰肝煩肝血無藏氣衝擾膈致心下格拒氣于膈中神

亂昏譫若惡露衝心則死矣。焉有天明再醒之理。回生丹酸苦直達下焦血分。用過不應。諒非瘀痺。想初由汗淋發熱。凡外感風邪。邪滯汗解。此熱昏亂。卽仲景之新產鬱冒也。倘失治。必四肢牽掣。如驚似風。癰則危。議從亡陽汗出。譫語例用救逆法。

生龍骨

三錢

生牡蠣

三錢

桂枝

五分

淮小麥

百粒

炙甘草

三分

南棗

二錢

又氣從湧泉小腹中直冲胸臆。而心下痛。顛暈神迷。此肝腎內怯。無以收納。自固勿假寐。必魂魄飛越。驚恐畏懼。非止一端。救逆法。鎮陽頗應。但少補虛寧神益之固。

之耳

人參 二錢

龍齒 三錢

棗仁 三錢

茯神 三錢

炒黑杞子

二錢

黑殼建蓮肉

五錢

用紫石英一兩搗碎

水三盞煎減半用以煎藥

又兩法皆效。下元虛損無疑。八脉無氣把握。帶下淋漓

不止。夢魂跌仆。正經旨下虛則夢墜也。議鎮固奇脉方。

人參 二錢

龍齒 三錢

棗仁 三錢

茯神 三錢

桑螵蛸

炙二錢

炒黑遠志

五分

用紫石英煎湯煎藥

又昨午憂悲嗔怒。大便後。陡然頭暈。繼以嘔逆。胸痞止。

心洞嘈雜。仍不能食。子夜寒戰鼓慄。寅刻津津微熱。神

昏妄見顛痛乳脹。腹鳴短氣呵欠。似乎歎息之聲。此乃下元根蒂未堅。偶觸心機。諸陽神飛旋動舞。仲景論先厥後熱。知飢不能食。乾嘔列於厥陰篇中。蓋危病初效。未沾水穀精華。則胃土大虛。中無砥柱。俾厥陰風木之威。橫冲震蕩。一如釋典混沌劫於地水。大風卒來莫禦矣。當此醫藥全以護陽固陰。但血舍耗涸。剛猛及滋膩。總在難施之例。無暇理病存體爲要。

人參

五錢

熟附子

錢一

川桂枝木

錢一

炮薑炭

錢一

炙黑甘草

五錢

茯苓

五錢

沈

此產後陰虛癰疾。鼻煤。喉燥舌乾。脫痞不飢。大便窒

塞不通。乃陽明津枯。不上供肺。下少滋腸。風陽游行。面腫耳聾。仲景謂陰氣先絕。陽氣獨發。後人以飲食消息。取義甘寒。則知辛溫逐瘀之謬。

人參

炒麥冬

棗仁

烏梅肉

蜜水炒黃知母

又酸味泄肝。胃氣乃降。大便通後。汗大出。心中刺痛。皆營液內耗。陽氣衝突。仲景三病之鬱冒見端矣。雖痰吐咯。無苦燥耗氣之理。

人參

阿膠

生地

麥冬

生白芍

炙草

張 產後鬱冒汗出潮熱腹痛

炒生地

炒山查

丹參

茯神

浮小麥

黑穠豆皮

吳 產後十二朝先寒戰後發熱少腹疔痛腹膨滿下部

腰肢不能轉側伸縮小溲澇少而痛此敗血流入經絡
延及變爲瘍症議用艾加散

小生地

生薑

車前

牛膝

五靈脂

炒查肉

調入琥珀末一錢

又 十六朝諸症稍減每黃昏戌亥時衝氣自下而上至
胸中卽脹悶肢冷汗出右腹板實此厥陰肝臟因驚氣

敗血人
經絡爲

營絡虛
寒惡露
未清

逆今惡露未清。重鎮酸飲。均為暫忌。擬和血調血為穩。

歸鬚

炒桃仁

延胡

炒查肉

官桂

香附

川棟

小茴

又 人參

當歸

白芍

炙草

茯神

香附

桂心

廣皮

程

脈濡惡露紫黑。痛處緊按稍緩。此屬絡虛。治在衝任。

以辛甘理陽。

炒歸身

炒白芍

肉桂

茯苓

小茴

杜仲

又 脈濡空大。營絡虛冷。

人參

炒歸身

炒白芍

茯神

炙草

桂心

又當歸羊肉湯加茯苓茴香

陰虛風
陽動

許產後陰虛肝風動灼喉乾喘咳晚則頭暈

阿膠

細生地

天冬

茯神

小麥

川斛

程坐蓐過勞肝風陽氣動面浮氣短腹膨惡露未清不

可臑滯須防痙厥

小生地

丹參

澤蘭

茯神

黑糯米皮

琥珀末

又血分既虧。濕陽動泄。汗出心悸。此辛氣走泄。須忌所慮。瘕厥如已見端。議靜藥和陽意。

阿膠

雞子黃

細生地

生牡蠣

丹參

茯神

某產後下焦陰虧。奇脉不固。陽浮乃升。風動則殄泄。嘈雜液損。必消渴骨熱。治在肝腎。靜藥固攝。

熟地

湖蓮

炙草

五味

芡實

山藥

旱蓮

女貞

陰虛陽
子汗泄

某

新產後陰分大虛。汗出胸痞潮熱。陽浮衛不固。雖痰多咳頻。忌用苦辛。表散久延。壽勞耳。

炒生地 炒麥冬 生扁豆 炙草

金石斛 丹參 茯神 甘蔗漿

血虛寒 某 產後身痛少腹滿

查肉 川芎 醋炒延胡 醋炒澤蘭 丹皮

艾葉 小茴 香附 醋炒茯苓 益母膏丸

又 當歸 桂心 茴香 香附 紫石英

茯苓 羊肉膠丸

氣血滯 產難傷力驚恐面微浮腹膨小便不爽

炒黑查肉 大黑豆皮 大腹皮絨 生香附

茯苓 澤瀉 白花益母草煎湯代水

金 腹脹氣滯久瀉產後五日

於朮

厚朴

茯苓

澤瀉

南山查

延胡

凌

一歲四氣之交夏季發泄爲甚凡夏至一陰初復未

及充盈恰當產期爲陰氣未充先泄暑熱乘隙內侵正如內經最虛之處便是容邪之處矣產科未明此旨徒曉產後逐瘀成藥苦辛破血津液愈劫所伏暑熱無由可驅六氣客邪內迫臟腑漸漸昏蒙內閉攻熱害正養正邪留藥難立方調治幼讀仲景揣摩聖誨惟有陰可以除熱況乎暑必傷氣人參非益氣之聖藥乎大隊陰

藥佐以人參誠為陰分益氣之法服之熱瘧壘壘而起惡露緩緩而下扶正却邪並行不悖今穀食已安諒無反覆難成易虧之陰須安養可望圖功倘加情志感觸輕則奇損帶淋重則髓枯尊損莫道贈言之不詳也

雄烏骨雞

一隻
人參
二兩 秋石并

鮮生地

三兩
柏子仁
一兩

天冬

一兩

麥冬

二兩

阿膠

二兩

建蓮肉

三兩

茯神

二兩

熬膏

項

初病舌赤神煩產後陰虧暑熱易深入此亟清營熱

所謂瘦人慮虛其陰

竹葉

細生地

銀花

麥冬

玄參

連翹

張 產後十三朝。舌黃遺赤。口渴。腕中緊悶。不食不飲。不大便。此陰分已虛。熱入營中。狀如瘧症。大忌表散清熱。謹滋清管熱。救其津液爲要。

細生地

天冬

生薑

丹皮

丹參

茯苓

又 產後血絡空虛。暑邪客氣深入。瘧乃間日而發。嘔吐。胸滿。口渴。皆暑熱燥胃津液也。此虛人夾雜時氣。只宜和解。不可發汗。膩補。

青蒿梗

淡黃芩

丹皮

鬱金

花粉

川貝

杏仁

橘紅

又脉緩熱止病減之象但舌色未淨大便未通產後大
虛不敢推瀉勿進葷膩恐滯蒸化熱疏粥養胃以滋清
潤燥便通再議補虛

生首烏

麻仁

麥冬

蜜水炒知母

蘇子

花粉

某 渴陰上逆惡心不食冷汗煩燥最防暴脫不可但執
惡露滯滿而專瀉氣攻血也

人參

乾薑

附子

澤瀉

冲入童便

某 脉無神神倦欲昏汗出乃陽氣走泄瀉利係陰氣不

陽虛欲脫

守產後見症。是屬重虛。深恐節間暴脫。而寒熱胸痞腹
痛。豈遑論及標本。

人參

製附子

人尿

猪胆汁

產後陰虛陽浮發熱

某二產後驟加驚恐。陽上背。胃爲厥。左肢麻。不耳竅失聰。皆陽挾內風。混入清竅。以止實下虛。鎮陽填陰。味厚質靜之藥。

熟地

龜甲心

天冬

萸肉

五味

磁石

茯神

黑殼建蓮

某產後去血過多。陰虛陽實。頭中眩暈。汗出肉瞤。驚畏身熱等症。最易昏厥。苦辛氣味宜忌。

衛任虛
氣上逆
脫痛顯

生地

小麥

炙黑甘草

麥冬

阿膠

茯苓

生左牡蠣

顧三
產後真陰不復。錫越風動。四肢麻木。先厥後熱。

熟地

阿膠

炒杞子

生白芍

茯苓

菊花炭

徐
少腹衝及心下。腕中痛而脹滿。若云肝氣犯胃。必有

嘔逆。前法益陰和陽。不應顯是產後下虛。厥氣上攻。議

用柔陽之藥。

炒歸身

茯苓

炒枸杞

柏子仁

小茴

茯苓

又衝逆震動而痛。是產後衝任空乏。按定痛減。尤爲虛象。緣胃弱減穀。未便湯劑之多。防胃倒耳。

當歸

從蓉

紫石英

茯苓

河車

鹿角霜

又衝脉逆。則諸脉皆動。天朗晴和少安。由陰分虛及陽分可徵。前法包舉大氣溫養。佐通是爲絡方。日來春升。畧有衄血。然無清寒可投。加鹹味佐其入陰。從產後下焦先傷耳。原方減鹿霜歸身。亦恐升陽也。加枸杞桂圓。以痛在左。故養肝是議。

陰虛風
陽動

虞二背寒。心熱。天明汗出。乃涼。產後兩三月若此。此屬下

焦真陰已虧漸擾陽位二氣交乘並非客症頭暈耳鳴

心悸寒熱後必瀉內風震動當與靜藥

六月二十日

人參 炙草 白芍 麥冬

炒生地 炒烏梅

又前法酸甘益陰和陽諸病皆減然此恙是產後下焦

百脉空乏謂之尊損填隙固髓為正治緣穀食未加元

氣恐妨胃口加餐可用九藥

七月初三

人參 炙草 阿膠 生地 麥冬

又照前方加桂枝木茯苓南棗

八月初七

又產後都屬下焦先損百脉空隙時序夏秋天暖發泄

加病此扶陽益陰得效今諸症向愈寢食已安獨經水未至其衝任奇脉不振須臾陰充旺脉中得以游溢耳

熟地 水製 人參 阿膠 萸肉 遠志炭

山藥 茯神 建蓮 烏骨雞膏九 九月初一

吳 坐蓐過勞驚恐交迫真陰既傷經年不復目暗昏花煩動熱升皆腎陰不得自充何以涵養肝木厥仆眩暈陽挾肝風直土無制則當靜藥填陰佐酸以收攝

熟地 阿膠 五味 萸肉

北沙參 茯神 黑櫓豆皮 秋石 二分調入

陽維病 寒熱 陳 三 寒熱時作經歲不痊且產後病起陽維為病明矣

下損及
胃奇脉
虛

營絡虛
寒腰腹
痛

歸桂枝湯

郭二產後下元陰分先傷而奇經入脉皆麗於下肝腎經
不固八脉賦失職司經旨謂陽維脉病苦寒熱陰維脉
病苦心痛下損及胃食物日減然產傷先傷真陰忌用
桂附之剛溫煦陰中之陽能入奇經者宜之

人參

鹿茸

紫石英

當歸

補骨脂

茯苓

陳四產後四月腰痛牽引少腹冷汗不食

當歸

羊肉

小茴

桂枝木

茯苓

紫石英

氣血寒
滯結

沈 產後動怒氣血皆逆痛嘔不卧。俛不能仰。而冷肢冷。口鼻氣寒。痛必自下衝上。此屬疝瘕厥痛。

淡吳萸

韭白

兩頭尖

川棟子

桂枝木

茯苓

吳六 產後百日內。右脇下少腹痛。堅膨。絡空無血。氣乘於中。有結聚癥瘕之累。延及變成脹滿。經水不轉。成大病矣。

當歸

桂心

生桃仁

牛膝

山查

炒黑小茴

陸 產後邪深入陰。氣血膠結。遂有瘕疝之形。身體偃僵。

乃奇脉網維不用充形通絡可效。做仲景當歸羊肉湯意。

歸身

茯苓

杞子

小茴

茯苓

紫石英

羊肉膠丸

某產後胞損溺淋筋脉牽掣治當攝下。

桑螵蛸 生沙苑 萸肉炭 炒黃柏 茯苓

馮二產後兩月汗出身痛 歸芪建中湯

余產後不復心悸欲嘔遇寒腹痛先議進和營衛繼當

補攝 歸桂枝湯加茯苓

吳三胃痛三月不止如素面黃產後吞酸少食中焦陽傷

陽虛胃
痛血格

胞損

管齋兼
虛

經帶

豈宜再加攻泄。與辛補血絡方。

桃仁

歸鬚

公丁香皮

川桂枝

半夏

茯苓

陰損及陽肝風此劑

某

產虛。下焦起病。久則延胃。不飢不食。乃陰損及陽。腸

明脉空。厥陰風動。掀旋而頭痛而浮。肢冷指麻。皆亡血

家見象

人參 一錢

杞子 炒焦 三錢

歸身 一錢

牛膝 鹽水炒 一錢

巴戟天 錢一

浙江黃甘菊花炭 五分

茯苓 一錢

方九

人參 二兩 另研

茯苓 一兩 蒸

萸肉 二兩 炒焦

五味 一兩

杞子 二兩 炒

桑螵蛸 殼 鹽水煮 一兩

生白龍骨 一兩

婦科聖藥

卷九 經後

聖

得虛下
焦虛寒

楊三

浙江黃菊花

一兩
炙炭

蜜丸早服四錢開水送

自幼作勞即患頭眩加芎藭一月之內必發數次
前歲產後體甚不健右耳日夜响鳴鳴即頭眩神色衰
奪唇黃舌白帶下手足冷脚腫脉右大是陽明空氣泄不
固煖下温中主之

人參

二兩

桑螵蛸

三兩
製

鹿角霜

一兩
半

淡從蓉

一兩
半

炒杞子

二兩

柏子霜

一兩
半

茯苓

一兩
半

紫石英

一兩
半
醋煨飛

白龍骨

一兩
半

紅棗四兩斬艾五錢水煮搗丸服四錢

某

胃痛欲嘔肢冷痛引腰背產後病發更甚

當歸

炒沙苑

炒黑杞子

炒黑小茴

鹿角霜

生精羊肉煎服

方九

人參

鹿茸

生杜仲

炒杞子

當歸

鹿角霜

茯苓

沙苑

小茴

羊腰子蒸熟搗丸

陰虛陽浮

鄒三

陽不入陰。不寐汗出。產傷陰先受損。繼而損至奇經。

前主溫養柔補。謂陰傷不受桂附剛猛。閱開列病情。全是陰虛陽浮。漏經幾一月。尤為急治。夜進局方震靈丹五十粒。則方複入涼肝。益陰配陽。是兩固法則。

人參

麋茸

枸杞

天冬

茯神

沙苑

司脉虛
淋帶

某產後淋帶都是衝任奇脉內怯最有崩漏勞損淹經之慮但固補實下須通奇經者宜之

桑螵蛸

人參

茯苓

生杜仲

沙苑

芡實

湖蓮

陳

產後百脉空隙腰脊痛漏淋

桑螵蛸

鹿角霜

龍骨

淡荏苒

炒杞子

沙苑

茯苓

吳

閱病原產後陰虛液虧加以平時嗔怒陽氣暴升絡

血不寧奇空衝任少貯帶淋脂泄等症

阿膠

天冬

當歸

白芍

淡黃芩

青蒿膏 女貞子 茯神 烏骨雞炙 蜜丸

趙 蓐損八脉。經水不來。帶下頻頻頗多。產後下焦先虛。繼及中宮。乃血液脂膏之涸。桂附熱燥更助劫燬。此溫藥是溫養之義。非溫熱之謂。

人參 河車 麋茸 鹿角霜

歸身 茯苓 紫石英

楊 瘕泄起於產後。三年方愈。下損已極。經水幾月一至。來必衰頽如病。奇經衝任交空。下焦畏冷。食冷則瀉。心中疼熱。煖下溫經主之。

人參 鹿角霜 炒兔絲 生杜仲 炒杞子

虛寒
泄

中虛

熟白朮 淡骨脂 茯苓 蒸餅丸

金三經後卽背寒不熱。逾月不愈。嗽痰有血。自秋令產。屢屢若傷風咳嗽。正月至穀減。思產後不復是下虛形。寒減食。先調脾胃。卽和營衛法。人參建中湯。

寒 腎在虛

某 易飢易怒。腹漚氣墜。知飢不進食。自胎前至今。兩月不愈。並非客邪。用固攝升陽。

鹿茸 鹿角霜 熟地炭 當歸

桂枝 五味 茯苓

某 產後十年有餘。病發必頭垂脊痛。椎尻氣墜。心痛冷汗。此督任氣乖。踰維皆不用。是五液全涸。草木藥餌。總

屬無情。不能治精血之憊。故無效。當以血肉充養。取其
通補奇經。

鹿茸

鹿角霜

鹿角膠

當歸

茯苓

杞子

柏子仁

沙苑

生杜仲

川斷

陽虛損
服

潘 胎前水溢浮腫。喘滿不得卧。余用開太陽膀胱獲效。

既產浮腫自然漸退。女科不明產後下虛。而以破氣寬
脹。百日來腹大且滿。按之則痛。此皆氣散瀰漫。九藥又
補。瀯守中。益助其鈍。氣血凝瀯。經候不來。爲難治之病。
議腎氣湯。煨藥成炭。取其氣之通。勿令味濁。兼調琥珀
末以調其血。瀯倣古法中之所有。非杜撰也。

桂七味加車前牛膝炒炭水洗煎臨服調入琥珀末
徐^三產後九年心中脹甚則瀉甚肌浮足腫食減過半凡
脹必有喘產後先傷在下用薛氏濟生丸三錢十服
某產後血去過多下焦衝任空虛跗腫腹膨形寒面黃
脉濡當用溫養

鹿角霜

三錢

補骨脂

一錢

紫石英

三錢

茯苓

三錢

桂心

四分

炒黑小茴

七分

方^三脉沉濡產虛寒入痛脹腹鳴晨泄病人述心痛嘔逆
其實治下爲是

熟附子

胡盧巴

良薑

炒黑茴香

茯苓

廣木香

朱^四六脉微弱。形無華色。據說病起產後。食減吐瀉。是下焦不復。中焦又傷。漸加浮腫脹滿。條甚忽平。皆下焦厥逆。上衝也。下虛於產後。剛劑難以肅任。是病之不易取效者在此。

淡從蓉

炒黑杞子

當歸

小茴

茯苓

沙苑

又

濟生腎氣丸

一兩二錢

某^四五產後未滿百日。胸脇骨節收引。四肢肌肉麻木。浮腫腹脹。早輕夜重。食減畏寒便澹。脉得右遲左弦。先與理

中健陽驅濁

人參

炮薑

淡附子

焦白朮

枳實

茯苓

范 病脹起於產後。下焦先傷。濁陰犯中。不可以脹滿爲實症。夫腑陽不通。腎氣散漫。吸氣不入。息音如喘。此身動便喘。非外客之邪乎。肺春牛溫氣外侵。面腫頸項結核。曾以夏枯菊葉等解得效。乃一時暴邪治法。至於本病之腹滿洞泄附腫。未經調理。且脹勢侵晨至午頗減。日暮黃昏。脹形漸甚。中焦陽微已見。一班愚見。脹滿在中。而病根在下。仲景於產後失調。都從下虛起見。閱女

科湯藥一方殊屬不解思平居咽乾喉痺牙宣肝腎真陰下虧不敢剛藥宣通。倣薛氏腎氣法減泄肝如牛膝肉桂之辛不致劫陰仍可通陽爲法。

六味去萸加芍藥附子牡蠣炒炭煎

又小滿節古云痛隨利減今便利仍痛非是實症肝失調暢當理用以益水母不取芍藥之和陰加當歸小茴香拌炒焦黑以通肝臟脉絡之陽又辛散益腎也照前方去芍加茴香拌炒當歸

某產後腫脹不愈顯係下虛肝腎氣不收攝形寒痞悶食少痰多脉細肉消治從陰分非分和攻消者

濕熱腫脹

濟生腎氣丸沉香汁沖開水送 接服金匱腎氣丸
王 脹滿六年產後小愈今脹勢復甚兼脫肛淋症大腿
熱如滾水滾滌食入臍中作痛議治其臍

小溫中丸 三錢 六服

濕熱

傅 風勝為腫濕甚生熱乃經脈為病但產後百日精神
未復不可過劫

羚羊角 木防己 片薑黃 川桂枝

大杏仁 苡仁

奇脈虛
腎氣不
凝腫脹

方 產後腹大半年不愈近日有形衝突腸如刀攪據述
坐蓐艱產血去盈斗而腹形即已脹滿想八脈不用腎

氣散越不收非瘀血積氣爲病議用大千方烏雞煎丸

烏骨雞

人參

蒼朮

附子

烏藥

肉桂

陳皮

草果

紅花

海桐皮

黃芪

白朮

蓬朮

川烏

延胡

白芍

木香

肉果

琥珀

丹皮

卽以雞搗去毛頭嘴爪腸雜將藥放雞肚內貯砂鍋
中以好酒一斗同煮令乾去雞骨以油單盛焙令乾
爲末蜜丸

范

衝任傷督帶損皆由產時勞怖理難復元固攝下真

兼理奇脉治非背謬但履滿膨痛若徒固補不以通調

恐滋脹腫。大意陽宜通陰宜固。包舉形骸。和養脈絡。乃正治方法。病樣多端。紛紜縷治。難以立方矣。

人參 鮮河車膠 淡從蓉 砂仁製熟地

鹿角霜 歸身 茯苓 紫石英

小茴香 羊腰子

氣滯
痞脹

某 產後下虛。血病為多。今腕中痞脹。減食不適。全是氣分之恙。但調氣寬中。勿動下焦為穩。

香附 神麴 蘇梗 白蔻仁

茯苓 桔梗

下焦
寒滯

朱 產後冬月。右腿浮腫。按之自冷。若論敗血。半年已成。

產後

瘰癧針刺泄氣其痛反加此乃衝任先虛絡維脉不爲用溫養下元須通絡脉然取效甚遲格守可望却病

茯苓

鹿角霜

當歸

肉桂

小茴

牛膝

茯苓

鹿角膠溶酒蜜丸

肝腎虛
兼痰飲

某

產後必病陰虛可知兩足跗中筋掣疼痛不耐走趨

當溫養肝腎以壯筋骨但食後腕中痞阻按之漉漉有聲手麻脇痛心煩耳目昏眩死是陽氣不主流行痰飲內聚之象處方難以兼攝議用分治法

中焦藥日中服

桂苓六君子竹瀝薑汁法丸

下焦藥晨服從四斤丸金剛丸參瑪

乘傷肺
氣水氣
停阻

茯苓

牛膝

虎骨

生杜仲粉

天麻

木瓜

萆薢

蜜丸

程

脉沉喘咳浮腫鼻斂黑唇舌赤渴飲則脹急大便解

而不爽此秋風燥化上傷肺氣氣壅不降水穀湯飲之

濕痺阻經蹇最多坐不得卧之處法宜開通太陽之裏

用仲景越婢小青龍合方若畏產後久虛以補溫暖斯

客氣散漫三焦皆累閉塞告危矣

桂枝木

杏仁

生白芍

石膏

茯苓

炙草

乾薑

五味

痰飲阻
氣不寐

陳三夏季坐蓐秋月熱病半年來不寐不便無皮毛焦落

之象是痰飲為氣所阻以致升降失常乃痺之基也議
宣肺以通腸

紫苑

八錢

杏仁

三錢

枳殼

一錢

桔梗

一錢

瓜蒌皮

一錢

鬱金

一錢

下虛飲
渴上逆

陸

背寒夜卧氣衝欲坐乃下元虛乏厥濁飲邪皆令上

泛胎前僅僅支撐產後變症蜂起奈何庸庸者流泄肺
冀其嗽緩宜乎藥增病勢矣

桂枝

茯苓

炙草

五味

淡乾薑

許實喘屬肺虛喘屬腎產後下虛最多痰飲易於上泛
喘嗽食減有浮腫脹滿不得卧之憂不可小視

溫客
邪飲邪
上逆

茯苓

生白芍

乾薑

五味

王 產後未復。風溫入肺。舌白面腫。喘咳泄瀉。小水漸少。必加腫滿。不易治之症。

蘆根

苡仁

通草

大豆黃卷

又 淡滲通泄氣分。肺壅得開而臥。再宗前議。

通草

蘆根

苡仁

大豆黃卷

木防已

茯苓

又 過投絕產凝寒重藥。致濕聚阻痰。兩投通泄氣分已效。再用緩胃滌飲法。

半夏

薑汁

黍米

茯苓

又支飲未盡。漉瀉不渴。神氣已虛。用澤木湯。

生於朮 建澤瀉 茯苓 苡仁

濕濁踞
膈肺不
肅降

某脉小左弦。咳逆。脘悶。小便不利。大便漉瀉。不思納穀。

噯氣臭穢。此皆胎前氣上逆冲。濁得盤踞膈間。肺失清肅。降令上竅痺。致下竅不利。湯食聚濕氣。不宜行。怕延出浮腫腹滿喘急。不卧諸欸。不獨以產後通瘀爲事。

鬱金汁 杏仁 通草 桔梗

茯苓皮 苡仁

暑傷上
焦氣分

沈產後未復。加以暑熱上干。暑必傷氣。上焦先受。頭脹微微嘔惡。脘悶不曉飢飽。暮熱早涼。汗泄不已。經水連

至熱迫血絡妄動。蓋陰虛是本病。而暑熱係客氣。清上勿得礙下。便是理邪。勿混亂首鼠。致延蓐損不復矣。

捲心竹葉

生地

炒川貝

連翹心

玄參

地骨皮

木火盛
心營熱

神識不甚靈慧。陡然狂亂入井。夫暴病痰火風為多。

今診視色脉。產後未滿百日。多驚怕。五味皆變。厥陰肝

木順乘陽明。古稱一陰一陽變亂為癇。先以清心胞解

營熱。食進便通。再酌調理。

犀角

生地

菖蒲

玄參心

羚羊角

鬱金

竹葉心

連翹心

又復脉湯去參薑桂

某^三五產後不復元。仍自乳撫育。損不能復。卽是厚勞速速斷乳。藥力可扶。凡產必下焦先損。必以形質血氣之屬。莫以心熱再用寒涼伐其生氣。

人參

當歸

沙苑

杜仲

補骨脂

茯苓

羊內腎二枚

沈時熱屬上焦病。逾時自解。緣體質素薄。長夏坐蓐。不但肝腎陰傷。諸氣皆爲發泄。陰不主戀陽。衝脉上冲而心熱骨疼。總是陰虧不肯復元。久久延成損症。此與清潤治肺之咳無預。法宜填補下焦。攝之固之。迎養秋收。

冬藏胃納有加。庶乎漸安。

鮮紫河車

人參

眞秋石

茯神

水煮熟地

歸身

五味

芡實

山藥

生羯羊肉膠共河車膠二共和丸

姚二面少華色。脉似數。按之乳瀼。產後三年。從未經來。腹中有形。升逆則痛。肩背腴脇卒痛難忍。咳吐都是涎沫。着枕氣衝欲坐。食減便澀。身動語言喘急。此乃虛勞損極不復。諒非草木可以圖倖。由下焦元海少振。帶惡餒弱。衝脉動。斯諸脉交動。擬益元氣。充形骸。佐重鎮以理怯。護持體質之義。非治病方藥矣。

人參

杞子

白龍骨

茯苓

紫石英

羊肉

鄒二產後成勞損。先傷下焦血分。寒熱數發不止。奇經八脉俱傷。欲嘔不飢。肝腎及胃。有形凝痰。議柔劑溫通補下。

人參

當歸

小茴香并炒

茯苓

沙苑

淡菴蓉

杞子

鹿角霜

生紫石英

汪產後百日。寒熱消渴。心痛惡食。溲瀉。此尊勞液涸。已屬沉痾難治。擬酸甘化陰扶胃。望其小安而已。

人參

烏梅

炙草

赤石脂

木瓜

茯神

炒粳米

張二產後下虛厥氣上衝犯胃食入嘔脹脉絡日空營衛兩怯寒熱汗泄淹淹爲蓐勞之病最難調治

淡吳萸

七分

桂枝

五分

茯苓

三錢

炮薑

八分

炒木瓜

錢一

南棗

黃產後陡然驚恐陰虧厥陽上逆血湧吐痰胸背脇俞大痛乃八脉空乏之徵蓐勞重症延綿最難全好議鎮固一法

熟地炭

炒杞子

五味

紫石英

茯神

牛膝炭

小產
芎藭

又 脉少欬痛止血緩仍用鎮納

熟地、炒杞子 五味 女貞子

芡實 茯神

又 眩暈腹鳴脫痛

熟地 炒杞子 五味 茯神

阿膠 萸肉 菊花炭 北沙參

又 烏骨雞 阿膠 熟地 杞子 五味

桂圓 茯神 建蓮 熬膏人參湯送

顧 小產三日脉數頭痛脫痞小腹墜痛欲厥此屬鬱冒

連翹 鬱金汁 丹皮 鉤藤

營血虛
易升

胃陽虛
肝風動
嘔吐欲
脫

茯苓

炒山查

益母草湯煎

某二小產後惡露淋漓營血內虧厥陽由是鼓動頭脹耳

鳴心中洞然病在下焦矣

枸杞子

錢三

柏子仁

錢三

全當歸

牛一錢

白芍

牛一錢

稽豆皮

錢三

茯神

錢三

朱

脉小半產一日舌白頻頻嘔吐青綠水汁涎沫左肢

浮腫神迷如寐此胃陽大虛肝風內泛欲脫之象急急

護陽安胃冀得嘔緩再商治病

人參

淡附子

炒焦粳米

煨老薑

又

雖得小效必三陰三陽一周扶過七日庶有愈理

人參

淡射干

熟於木

炮薑

茯苓

南棗

陰虛陽
胃成痼
病

某

小產不及一月

忽有厥逆痰潮

此陰分既虛厥陽上

冒今二便已通神志似屬憤散病雖已成癰痼却非痰

火有餘肝腎位遠治宜鎮補擬陳無擇琥珀散

人參

白芍

鐵落

辰砂

磁石

遠志

菖蒲

牛黃

琥珀

奇厥陽
虛不升
固

孔

形畏寒瘕瘕忽然羸熱腰膝墜脹帶下汗出由半產

下焦之損致八脉失其擁護少腹不和通攝脉絡治之

鹿角霜

炒當歸

杜仲

兔絲子

奇脉虛
淋等

小茴香 杜枝

陳懷姪三月小產半年不復寒從背起熱起心胸經水
後期不爽帶下脉脉不斷脊脊腰腿痠疼膝骨附
脛易冷無力由衝任督帶傷損致陰陽難諧不用調治
非法有終身不肯孕育之累

鹿角霜 炒枸杞 當歸 炒沙苑

桂枝 小茴

下虛上
受風溫

顧上年小產下虛不復冬令藏聚未固春夏陽升風溫
乘虛上受清竅不利耳失聰鼻多塞咽燥痰稠悉見上
焦不清究竟下虛是本病議食後用清竅早上所鎮納

陽氣虛
久瀉

厚勞

青菊葉

錢三

羚羊角

錢一

黑梔皮

錢一

連翹心

牛一錢

玄參心

錢二

苦丁茶

錢一

磁石六味

加龜膠北味

程

久瀉延虛痛後而瀉氣弱不可運行病因小產而來

法當中下兩調

人參

炒菟絲子

木香

茯苓

炒白芍

炒補骨脂

汪

小產後氣衝結瘕是奇經八脈損傷醫謂病尙有形

愈從瘀血施治半年來肌肉大消內熱咯痰帶血食過

脫下輒云腹痛蓋產後下焦真陰大虧攻瘀清熱氣味

苦辛是重虛其虛藥先入胃既不中病先戕胃口致令

飲食廢矣。陰虛生熱。經調灼然。祇以胃口傷殘。難與滋
膩之藥。此症延成。羸勢。必得飲食漸和。方有調病之理。
見病治病。貽害豈可。再循前轍。議肝胃兩和方。

炒黑杞子

錢三

雲茯神

錢一

柏子仁

錢三

生沙苑

錢一

焦當歸

錢一

小茴

七分同當歸合炒

紫石英

五錢先煎
廿滾入藥

肝虛血

某 三次兩月胎漏而下。是厥陰失養。脉數右大。腹痛惡

露未盡

柏子仁

炒查肉

丹皮

澤蘭葉

細生地

調入琥珀末

清虛

倪

小產半月。頗安。忽然腰腹大痛。或攢膝跖足底。或引

脇肋肩脾甚至湯飲藥餌嘔吐無存。娠去液傷絡。空風動。昔賢謂按之痛緩屬虛。勿道諸痛爲實。

炙甘草

淮小麥

南棗

阿膠

細生地

生白芍

又 往常經候不調。乃癥瘕爲痛。葱白丸

金匱要畧云。新產婦人有三病。一者病瘕。二者病鬱。胃三者大便難。新產血虛多汗出。善中風。故令病瘕。亡血復汗。寒多。故令鬱。胃亡津液。胃燥。故大便難。心典云。血虛汗出。筋脉失養。風入而益其勁。此筋病也。亡陰血虛。陽氣遂厥。而寒復鬱之。則頭眩而目瞤。此

神病也。胃藏津液。而滲灌諸陽。亡津液。胃燥。則大腸失其潤。而大便難。此液病也。三者不同。其爲亡血傷津。則一故。皆爲產後所有之病。卽此推之。凡產後血虛諸症。可心領而神會矣。張璐玉云。產後元氣虧損。惡露乘虛上攻。眼花頭暈。或心下滿悶。神昏口噤。或痰涎壅盛者。急用熱童便主之。或血下多而暈。或神昏煩亂者。芍歸湯加入參澤蘭童便。兼補而散之。又敗血上衝有三。或歌舞談笑。或怒罵坐臥。甚則踰牆上屋。此敗血衝心多死。用花蘆石散。或琥珀黑龍丹。如雖悶亂。不致顛狂者。失笑散加歸金。若飽悶嘔惡。

腹滿脹痛者。此敗血衝胃。五積散或平胃加姜桂。不
應。送來復丹。嘔逆腹脹。血化爲水者。金匱下瘀血湯。
若面赤嘔逆欲死。或喘急者。此敗血衝肺。人參蘇木。
甚則加芒硝蕩滌之。大抵衝心者。十難救一。衝胃者。
五死五生。衝肺者。十全一二。又產後口鼻起黑色。而
鼻衄者。是胃氣虛敗。而血滯也。急用人參蘇木。稍遲
不救。丹溪云。產後當大補氣血。卽有雜症。以未治之。
一切病。多是血虛。皆不可發表。景岳云。產後既有表
邪。不得。不解。既有火邪。不得。不清。既有內傷。停滯。不
得。不開通消導。不可偏執。如產後外感風寒。頭痛身

熱便實中滿脉緊數洪大有力此表邪實症也又火盛者必熱渴躁煩或便結腹脹口鼻舌焦黑酷喜冷飲眼眦尿痛溺赤脉洪滑此內熱實症也又或因產過食致停蓄不散此內傷實症也又或鬱怒動肝胸脇脹痛大便不利脉弦滑此氣逆實症也又或惡露未盡瘀血上冲心腹脹滿疼痛拒按大便難小便利此血逆實症也遇此等實症若用大補是養虎爲患誤矣以上四家之論俱屬產後治病扼要處學者當細心體察再參觀葉先生醫案更能博考羣書以治產後諸病易如反掌矣否則如眇能視不足以有明

也如跛能履不能山與行也烏得稱司命哉。秦天
婦人善病而病由產後者爲更多亦爲更劇。產後氣
血大虧內而七情外而六氣稍有感觸卽足致病。使
治之失宜爲患莫測。朱丹溪曰產後以大補氣血爲
主。雖有他症以末治之此語固爲產後症之宗旨而
症實多端論其常未盡其變也。醫者惟辨乎脉候以
明內外之因審乎陰陽以別虛實之異。病根透徹而
施治自效。慎毋以逐瘀爲了事亦毋以溫補爲守經。
今觀先生案中凡內因之實症未嘗不用攻治之劑。
然如熱熾昏亂有似惡露沖心者先生則曰陰氣下

泄陽氣上冒從亡陽汗出譫語側爲救逆法如少腹
冲及心脘痛而脹滿有似肝氣犯胃者先生則曰產
後下虛厥氣上攻惟用柔陽之藥如頭痛汗出煩渴
有似感冒風寒者先生則口開泄則傷陽辛熱則傷
陰從仲景新產鬱冒之治以立方至於奇經八脉爲
產後第一要領蓋八脉麗於下產後陰分一傷而八
脉自失所司溫補鎮攝在所必先無奈世人罕知卽
有一二講論者終屬影響模糊惟先生於奇經之法
條分縷析盡得其精微如衝脉爲病用紫石英以爲
鎮逆任脉爲病用龜板以爲靜攝督脉爲病用鹿角

以爲溫煦帶脉爲病。用當歸以爲宜。補凡用奇經之藥。無不如芥投針。若夫外因爲病者。風溫入肺。用葶藶湯。甘寒淡滲。以通肺氣。遇寒腹痛。用當歸桂枝湯。辛甘化陽。以和營衛。暑氣上干。則陰虛是本。病暑熱是客氣。清上勿致礙下。便是理邪。如濕傷脾陽而飲邪阻氣。用苦溫淡滲之品。澤木湯治之。熱蒸化燥而胃阻腸痺。用首烏麻仁麥冬花粉清滋潤燥之劑。治之。熱乘陰虛而入營中。則忌表散清剋。惟有陰可以除熱。更如邪入營絡而成瘧症。不得發汗。膩補當以輕清和解爲主要之先生於內因之症。一一尋源探

本非同俗手。漫謂補虛於外。因之端。種種審變達權。不以產後自爲荊棘。惟讀書多而胸具靈機。故於丹溪本末二字。尤爲神化無迹。此所謂知其要者。一言而終。不知其要者。流散無窮也。案中諸症甚多。學者果能悟焉。則一以貫之矣。龔商年

癥瘕

營絡氣
凝結瘕

久痛在絡。營中之氣結聚成瘕。始而夜發。繼而晝夜

俱痛。陰陽兩傷。偏閱醫藥。未嘗說及絡病。便難液涸。香燥須忌。

青葱管

新絳

當歸鬚

桃仁

生鹿角

柏子仁

朱六

辛潤通絡。成形瘕。濁吐出。然瘕濁必下行爲順。上通

雖安。恐其復聚。仍宜緩通。以去瘕生新爲治。無取沉降急攻。謂怒勞多令人傷陽耳。

當歸

桃仁

羌蔚子

製蒺藜

生鹿角

茯苓

香附汁法丸

周十三瘕聚結左。肢節寒冷。病在奇脉。以辛香治絡。

鹿角霜

桂枝木

當歸

小茴

茯苓

香附

葱白

翼脉症向安。辛甘化風方法非謬。據云痛時。少腹滿脹。

其有形疝瘕。狀亦畧小。法宜益營之中。再佐通泄其氣。

古稱通則不痛耳。

人參

當歸

肉桂

吳萸

小茴

茯苓

青葱管

欽 疝瘕少腹痛

當歸

生薑

羊肉

桂枝

小茴

茯苓

又 瘕痛已止當和營理虛

歸身

紫石英

白芍

酒炒

小茴

淡從蓉

肉桂

丸方用養營去芪朮桂合杞圓膏

朱^四疝瘕腹痛有形用柔溫辛補

當歸

生薑

羊肉

某 右脇攻痛作脹應時而發是濁陰氣聚成瘕絡脉病

也。議溫通營絡

當歸 三錢

小茴

炒焦 一錢

上肉桂

一錢

青葱管 十

氣血凝
絡腕痛
譚

瘕聚有形高突痛在胃脘心下或垂脊腰少腹重按
既久痛勢稍定經水後期色多黃白此皆衝脉爲病絡
虛則脹氣阻則痛非辛香何以入絡苦溫可以通降

延胡

川棟

香附

鬱金

茯苓

降香汁

荒蔚子

炒山查

烏藥

又瘕聚癥結痛脹妨食得食不下痛甚今月經阻不至
帶淋甚多病由衝任脉絡擾及肝胃之逆亂若不宣暢
經通日久延爲蠱疾矣

炒桃仁 當歸鬚 延胡 川棟子 青皮

小茴 吳茱 紫降香 青葱管

柳四二絡血不注衝脉則經阻氣攻入絡聚而為瘕乃痛衝脉是陽明屬隸痛升於右腹及中脘作嘔清涎濁沫操家煩怒犯胃莫如肝泄肝正救胃

金鈴子 炒延胡 蓬莪朮 青橘葉

半夏 厚朴 薑汁 茯苓

又葱白丸二錢艾棗湯送

木火鬱 氣滯血 某 臍下瘕形漸大氣塞至心胸及咽喉飲不解渴遂氣攻至背部經水百餘日不來小溲得利大便不爽氣滯

血瘀皆因情志易鬱肝胆相火內灼衝脉之血欲涸丹

溪謂氣有餘便是火口甜食後痞用苦辛清降

胡黃連

八分

山梔仁

一錢

南山查

三錢

蘆薈

一錢

雞肫皮

不落水片垢
炙臘五錢

化服回生丹牛丸

腎氣不
攝經阻
脈痛脹

陸六經阻半年腹形漸大痛不拒按漫短便通據形色脈
象不是用通經丸者下氣還攻於絡有形若癥瘕炒枯

腎氣湯

氣血凝
絡肝逆
胃痛嘔

繆

脉弦左搏數年胃痛不痊發時手不可按脇中拘急

少腹左傍素有癥聚之形氣自下焦衝起爲脹爲嘔此
乃驚憂嗔怒致動肝木乘其中土胃傷失降脉絡逆併

痛勢爲甚。初起或理氣獲效。久發中衰。辛香氣燥脾胃。不勝剋伐矣。議疎肝木。安土爲法。冀其漸緩。再酌後法。

川棟子

川連

乾薑

桂枝

當歸

川椒

生白芍

烏梅

又少腹疝瘕多年。衝起散漫。胃脘兩脇痛甚。欲嘔。年前用安胃泄肝頗效。但下焦至陰足跗發燥裂水。久留濕熱瘀留。經脈絡中交病。若非宣通氣血壅遏。恐非至理。

桃仁

栢子仁

川芎

當歸

小茴

小香附

茯苓

山梔

薑汁

爲末用青葱管百莖加水一杯取汁法九

某五
十數年左脇聚瘕。發作必嘔吐涎沫酸苦濁水。寤不成
寐。便閉忽瀉。始於怛鬱。病由肝失暢達。木必傳土。胃氣
受侮。病久入絡。氣血兼有。緩圖為宜。急攻必變脹病。

生牡蠣

川棟子肉

延胡

桃仁

半夏

茯苓

橘紅

白芥子

川連

吳萸

香附汁薑汁法丸

肝逆犯
胃奇絡

趙

脉小。身不發熱。非時氣也。凡經水之至。必由衝脉而

虛滯

始下。此脉胃經所管。醫藥消導寒涼。不能中病。反傷胃

口致衝脉上冲。犯胃為嘔。攻胸痞塞。升巔則昏厥。經言

衝脉為病。男子內疝。女子瘕聚。今小腹有形。兼有動氣。

鹿角霜

淡荇蓉

炒甘歸

炒小茴

生杜仲

扶

用紫石英一兩煎湯煎藥

黃陽升
衛脈

蔣四七

四七天癸將止之年小腹厥陰部位起瘕動則滿腹脹痛形堅或時脊顛掣痛必有穢痰血筋吐出此起於鬱傷久則液枯氣結內風陽氣煩蒸則心熱痞結咽阻已屬痼疾治必無效倘腹大中滿則劇矣

牡蠣

生地

阿膠

小胡麻

茯苓

稽豆皮

厥陰寒
滯嘔瀉

沈十四肢冷腹痛。有形為瘕。久瀉。

當歸炒黑 小茴炒黑 上肉桂 山查炒黑 茯苓

又 冷利有瘕。遇冷則嘔。

吳萸 炒小茴 延胡 茯苓

川棟子 生香附

某 脘中瘕聚。

川棟子錢一 延胡錢一 吳萸五分 青皮七分

良薑錢一 茯苓二錢

林 脉左弦。瀉少腹。攻逆痛。即大便秘。肝氣不疎。厥陰滯積。

香附牛一錢 雞肫皮炙一錢 茯苓牛一錢 麥芽一錢

肝鬱犯
胃

香櫞皮八分

青皮五分

炒查肉錢二

砂仁殼五分

又少腹痠聚攻逆身熱或噫或濁氣下泄則諸恙悉舒
惱怒病發厥陰肝木鬱遏不疎顯露一班

川棟子錢一

小茴五分

生牡蠣錢三

桂枝木五分

生白芍錢一

青皮錢一

程聚氣疝瘕大便不爽必腹中痾痛當通腑經氣分

葱白九二錢五分紅棗湯送

又倣朱南陽意以濁攻濁

韭白根去鬚

兩頭尖一百粒

炒香櫞核錢一

小茴香七分

金鈴子肉錢一

又瘕聚已解用八珍丸加香附小茴白花盆母膏丸
某瘕聚在左脇中肝病

桃仁 川棟子 延胡 當歸

橘紅 香附

服壯脾
善陽氣

王四一瘕聚季脇漸加煩倦減食入夏土旺氣泄用泄少陽
補太陰方

人參 茯苓 炙草 當歸

丹皮 生地 鱉甲 澤蘭膏

拔氣凝
結

周痛久在絡凝聚成形仍屬經病議用河間法

川棟子 瓜蒌皮 香附汁 延胡 生牡蠣

又理氣豁痰痛止思食仍以前法參用

半夏 瓜蒌皮 香附汁 生牡蠣

橘紅 香豉

四一用丹溪小溫中丸脹利白減知腸胃濕熱皆阻腑陽

之流暢水穀之氣不主游溢瘕屬氣聚瘕為血結由無
形釀為有形攻堅過急藥先入胃徒致後天氣乏恐脹
病必至矣俗有痞散成蟲之說可為治此病之戒律

老韭根 生薑 桃仁 一兩 生香附 一兩 炒查肉 一兩

當歸鬚 一兩 山甲片 一兩 小茴香 三錢 桂枝木 三錢

胡二少腹聚瘕能食便不爽腹微脹小溫中丸

寒熱食
減乾血
勞

王二初病寒熱半年經水不來少腹已有瘕形食又減半
當此年犯乾血勞慮

焦朮

茯苓

廣皮

香附

當歸

南山查

白芍

夫瘕者徵也。血食凝阻有形可徵。一定而不移。瘕者
假也。臟氣結聚無形成假。推之而可動。昔有七瘕八
瘕之說。終屬強分名目。不若有形無形之辨。爲明的
也。二症病在肝脾。而胃與八脉亦與有責。治之之法。
卽從諸經再究其氣血之偏勝。氣虛則補。血以行氣。
氣滯則開鬱。以宣通血衰則養營。以通絡。血瘀則入

絡以攻痺此治癥瘕之大畧古方甚多而葱白丸烏雞煎丸尤爲神效癥瘕之外更有疝瘕腸覃石瘕內疝等症古人論之已詳茲不必贅今參先生方案如營傷氣阻者於益營之中佐通泄其氣如絡虛則脹氣阻則痛者以辛香苦溫入絡通降又如肝胃兩病者以泄肝救胃肝胃脾同病者則扶土制木肝臟之氣獨鬱不宜者辛香耑治於氣血痺絡逆失和者辛香耑理其血病由衝任擾及肝胃之逆亂者仍從肝胃兩經主治以疎降溫通凡此悉靈機法眼藥不妄投總之治癥瘕之要用攻法宜緩宜曲用補法忌瀉

忌呆。上逆則想肝臟衝病之源頭。下垂則究中氣陰
邪之衰旺。吞酸吐水必兼剛藥。液枯腸結當祖滋營。
再辨脉象之神力。形色之枯澤。致病之因由。則治法
自然無悞矣。葉商年

熱入血室

熱邪內陷
發瘧

沈氏

溫邪初發。經水卽至。寒熱耳聾。乾嘔煩渴。飲見症已屬熱入血室。前醫見咳嗽脈數舌白。爲溫邪在肺。用辛涼輕劑。而煩渴愈甚。拙見熱深。十三日不解。不獨氣分受病。况體質素虛。面色黯慘。恐其邪陷瘧厥。三日前已經發瘧。五液暗耗。內風掀旋。豈得視爲輕小之恙。議用玉女煎兩清氣血。邪熱仍有救陰之能。

玉女煎加竹葉心。武火煎五分。

又脈數色黯。舌上轉紅。寒熱消渴俱緩。前主兩清氣血。

伏邪已得效驗。大凡體質素虛。驅邪及牛。必兼護養元氣。仍佐清邪。腹痛便溏。和陰是急。

白芍

炙草

人參

炒麥冬

炒生地

又

脉右數左虛。臨晚微寒熱。復脉湯去薑桂。

黃

吳氏熱病十七日。脉右長左沉。舌痿飲冷。心煩熱。神氣忽

清。忽亂。經來三日。患病血舍內之熱氣。乘空內陷。當以瘀熱在裏論病。但病已至危。從蓄血如狂例。

細生地

丹皮

製大黃

炒桃仁

澤蘭

人中白

攻熱入血室。金匱有五法。第一條主小柴胡。因寒熱

而用雖經水適斷急提少陽之邪勿令下陷爲最。第二條傷寒發熱經水適來已現晝明夜劇譫語見鬼恐人誤認陽明實病故有無犯胃氣及上二焦之戒。第三條中風寒熱經水適來七八日脉遲身凉胸脇滿如結胸狀譫語者顯無表症全露熱入血室之候。自當急刺期門使人知針力比藥力尤捷。第四條陽明病下血譫語但頭汗出亦爲熱入血室亦刺期門。汗出而愈仲景無非推廣其義教人當知通變。第五條明其一症而有別因爲害如痰潮上脘昏冒不知當先化其痰後除其熱等語所謂急者先除也乃今

人一遇是症。不辨熱入之輕重。血室之盈虧。遽與小柴胡湯。貽害必多。要之熱甚而血瘀者。與桃仁承氣。及山甲歸尾之屬。血舍空而熱陷者。用犀角地黃湯。加丹參木通之屬。表邪未盡。而表症仍兼者。當合乎和解。熱輕而清藥過投。氣機致鈍者。不妨借溫通爲使。血結胸有桂枝紅花湯。參入海蛤桃仁之治。昏狂甚。進牛黃膏。調入清氣化結之煎。再觀案中。有兩解氣血燔蒸之玉女法。熱甚陰傷。有育陰養氣之復脈法。又有護陰滌熱之緩攻法。先聖後賢。其治總條。分縷析。學者審症製方。慎毋拘乎柴胡一法也。邵新甫